

DE
SPECIFICORUM REMEDIORUM
CVM
CORPVSCVLARI PHILOSOPHIA
CONCORDIA.

Cui accessit DISSERTATIO *de Varia*
SIMPLICIVM MEDICAMENTORVM
UTILITATE ET VSU.

Authore

ROBERTO BOYLE

NOBILI ANGLO, SOCIETATIS REGIÆ SOCIO.



GENEVÆ,
Apud SAMVELEM DE TOVRNES.

M. DC. LXXXVII.



PRÆFATIO AUTHORIS.



SEQUENTIS Tractatus origo , cujus sub initium mentio fit , non quid adeò fictitium erat , ut Lector fortè quispiam sibi persuaserit : at quamvis me reipsâ inviserit Medicus quidam solâ mihi famâ notus , eo omnino consilio ut sua contra Corpuscularem Philosophiam dubia proponeret , quæ multis mihi exposuit , quia tamen quæ propiùs in colloquio illo agitata sunt , paucis exponi nequeunt , non agrè , credo , Lector feret , si scopum , metâmq̃ huic Tractatui propositam , hac præfatione indicavero. Monendus itaque inprimis es , amice Lector , non esse hîc expectandam , ut aliqui expectabant , præscriptionum *Remediorum Specificorum* congeriem ; ex ipso enim titulo sat supérque elucescit sequente Tractatu Philosophicam contineri speculationem , cùm eò spectet , ut ostendat si *Specifica Remedia* dentur , ut dari quædam vero simillimum est , notas ipsâ experienciâ ipsorum virtutes cum corpuscularis , seu novæ , ut vocant , Philosophiæ

PRÆFATIO AVTHORIS.

Iosophiæ principiis conciliari posse, aut eadem certe non evertere, si eorundem operationes eorum ope dilucidè fortè explicari nequeant: atque ut ejuscemodi sequentis Tractatus agnoscitur esse scopus, ita non tam Medicum hîc, quàm *Naturalistam* agere statui; cum enim *Physicæ* cultores ob latissimum hujus scientiæ objectum indefinitè inquirere debeant in rerum corporatarum naturam, Phænomenâque, necesse omnino est, artem medicam, hancque scientiam, licèt modo non eodem, finèque idem circa argumentum occupari.

Varia enim sunt noxiæ, innoxiaque humani corporis mutationes, quas *Naturalista* intuetur tanquam phænomena tantùm à causis naturalibus in corpore animalis producta, dum easdem considerat Medicus ut morborum symptomata, aut remediorum effectus; inde enim ad veritatem inveniendam, hinc ad valetudinem recuperandam juvatur: sed quia alibi peculiariter examinò cognationem distinctionemque, inter disciplinam quam *Naturalista*, eamque quam Medicus colit, hujusce rei hîc mentionem non faciam: fatebor itaque potius potuisse me haud dubiè sequentem Tractatum variè locupletare, si ex celeberrimi *Villisi* scriptis mutuari quidpiam voluissem, sed præterquam quod ipsius lucubrationes ad manum non erant, nullum volui ab ipsius notionibus præjudicium admittere: eâque eram in mente, non ingratum ei, ad quem scribebam, futurum, si resciret quid res ipsa absque alienâ ope mihi suggereret: nunc itaque observandum venit, licèt eò rectâ sequens

Tractatus

PRAEFATIO AVTHORIS.

Tractatus collimet ut corporum quorundam phaenomena explicet, quæ ab usu *Medica* dicuntur, quôque modo ascriptos sibi effectus producere queant, speculationemque magis quàm praxim hæc dissertatio sapiat, conclusiones tamen inde ductæ, varizque ab industria hac, in qua degimus ætate, rerum hîc contentarum applicationes, practicum quoque Tractatum hunc reddere poterunt : sæpe enim animadverti, varia remedia, methodosque etiam insignes, aut ne commemoratas quidem fuisse à Galenicis; eorumque recentioribus antagonists, aut, si hæc fortè ab aliis propositæ fuerint, idcirco tantùm rejectas fuisse has methodos, remediâque, quod quo operarentur modo, prodesseve explicari non posset, cùm interim dedecet Medicum id adhibere remedium cujus operandi modum explicare nequeat; quantum detrimenti ægri patiantur à Medicorum adversus utile remedium præjudiciis ab eo conjici poterit qui examinare voluerit, quàm multæ prægnantes mulieres, qui verosimiliter phlebotomiæ usu servari potuissent, perierint, quòd adhibita ea non fuerit : quia scilicet hoc remedium Medicis autoritate Hippocratis commotis per multa sæcula displicuerat : quapropter si objectio contra remedia specifica ita solvatur, ut ostendatur fieri posse ut remedia specifica operentur modis mechanicæ Philosophiæ principiis congruentibus, licèt à vulgari Scholarum doctrinâ alienis; si hoc, inquam, Tractatus hic præstiterit, patentem is Medicis campum ape-

* 3, ruerit,

PRÆFATIO AVTHORIS.

merit, alliciétque Medicos, ad multorum remediorum usum, de quibus aut ne cogitârant quidem, aut quæ præjudicio quodam condemnârunt: cùm autem specifica si haberi possint, manifestam nullam alicujus domini virtutem prodant, reliquisque, cæteris paribus, remediis mitiùs operentur, omnino censeo futurum ut citiùs morbi faciliùs tutiùsque curentur, si revocentur ea ad usum, animenturque Medici tum ad nova adinveniendâ, tum ad hætenus inventa adhibenda: *Est aliquid prodire tenus, si non datur ultra.*

EDITORIS



EDITORIS PRÆFATIO.



*Q*uadam, de quibus hîc agit, argumenta, obiter Auctor proponit in Libro inscripto, Vtilitas Experimentalis Philosophiæ, dudum edito, sed contigit ut dissertationem hanc de Specificis utilitatêque simplicium medicamentorum scribere coactus fuerit in pago ubi liber ille ad manum non erat, quid quod in memoriam revocare non poterat omnia in eo jam à septemdecim, aut octodecim annis scripta: quapropter licet diligenter animadverteret, ne quidquam in eo Tractatu scriptum, in hoc repeteret quantumvis ad rem præsentem illud faceret; cum tamen postquam hic Tractatus prelo commissus esset, alterum recuperasset, quem pluribus annis non viderat, eadem comperit in utroque libro commemorata: quod licet nonnihil moleste ferat, eo tamen minus, quòd pauca sint novis comparata, eoque modo proposita, ut meræ perspicaci Lectori repetitiones videri non possint: & quamvis Tractatus præmemoratus argumenta quædam quibus simplicium medicamentorum usus inculcatur, obiter attingat, attamen præterquam quod plura in sequente Tractatu commemorentur, illic ea tantum digito quasi monstrantur, cum hîc fusè, varièque illustrentur: quia autem Liber superius commemoratus per multos annos rarus admodum fuit, non illibenter, qui eo carent, quædam ibidem contenta, hîc reperient, cum autem hanc Dissertationem latinitate

EDITORIS PRÆFATIO.

nitate donandam Author præciderit, censuit nihil se latinis Lectoribus non gratum facturum si quædam ex libro nondum latinè edito mutaretur.

Nihil ulterius de rebus in utroque hoc Tractatu contentis superaddam cum appositum, utrique, tituli nobilissimi Authoris scopum indicium haud obscuris indicent: illud tantum dicam priore Tractatu id reipsâ effectum esse, quod nullus hætenus molitus fuerat: eo enim maximi sanè momenti objectio adversus novam Philosophiam, seu corpuscularem planè, plenèque diluitur: ea autem objectio à Remediis Specificis petiitur, quorum hætenus virtutes, operationesque corpuscularis Philosophiæ principiis minimè congruas è doctis etiam non pauci censuerunt: quare non Philosophis tantum speculationi deditis gratum quid hujusce difficultatis solutione prænobilis hic Author præstat: sed & Medicis perutile quid dum quædam hinc, inde principia insinuat, quibus & iuta, securaque omnis eventus praxis inniti queat, ipsique præscriptionum suarum rationem reddere possint, earum præsertim quæ Specifica Remedia continent, quarum operationes non aliter ægris hætenus explicare potuimus, quàm Specificæ, hoc est occultæ qualitatibus ope.

Tractatus huic annexus, seu adhortatio ad Simplicium Medicamentorum usum, tam publicæ latèque patentis utilitatis est, ut vel hoc nomine Authori nostro Genus humanum multum debeat: his enim rationis experientiæque momentis ut & Dissertatio prior, innuitur, quibus Authoris fama, tum domi, tum foris, ubi vulgò Philosophus Britannicus audiri, insistere possit.

DE



D E
SPECIFICORVM REMEDIORVM
CVM
CORPVSCVLARI PHILOSOPHIA
CONCORDIA.

PRÆFATIO *ad Amicum summè eruditum* D. F.



UM è postremo nostro colloquio animadvertissem à corpulcari te Philosophia deterreri argumento quodam, ab arte ipsa Medica, quam prosteris, experiètiâque ducto, quodd scilicet specificorum remedium virtus ipsi minime congruat: quia mechanicam quam tantopere amo hypothetisum, à te quem tanti facio, negligi nollem, hunc idcirco tractatulum tibi exhibendum censui, licet quædam tantum sit ampliatio quorundam ex iis, quæ jamdudum amici cuiusdam gratiâ, de origine ac productione qualitarum occultarum observâram: quamvis enim futurum non existimem ut levioribus hisce tibi fiat satis, tibi, inquam, maturo judicio, ac præstanti eruditione Viro, iis tamen fortè fiet, ut opineris fieri omnino posse ut peritior quispiam eas difficalitates penitus exhaustiat, superetque, quos imperitior ego elevare queam.

Occultæ remedium specificorum qualitates hic loci non sunt præmittendæ: neque enim aliarum occultarum moræ curiositatem tantum nostram irritant, sed & valetudinem nostram propiis spectant: ac deinceps majoris longè momenti futuræ sunt, quàm multi sibi fingant, ut sit, operæ fortè pretium fuerit eas hic paucis vel idcirco tantum exposuisse quodd non pauci eruditi Medici, ut nonnulli ex ipsis mihi significarunt, vel hoc nomine corpulcarem Philosophiam vel rejiciant, vel non tanti faciant, quodd specificorum

A rum

rum remediorum virtutibus conciliari eam non posse putent, quasi harum neque generalem, neque particularem reddere rationem queat.

Triplex omnino qualitatibus genus *specificarum* nomine à Medicis comprehendendi comperio : à quibusdam enim specificam habere qualitatem remedium dicitur, quia scilicet particulati cuiuspiam corporis parti peramicum est, puta cordi, cerebro, oculo, &c. ab aliis specifica qualitate attrahere dicitur, atque evacuare determinatum quempiam humorem, ut choleram, phlegma, &c. sed frequentius longè remedium *specificum* perhibetur, quòd hunc illumve particularem morbum ut pleuritidem, asthma, colicam, hydropem, &c. occultà quadam proprietate curare dicitur : quocirca cum hoc præcipue sensu, vocabulum hoc, *specificum*, à Medicis usurpetur, eodem illud sensu sequente in dissertatione plerumque accipiam, quamvis ubi res postulabit, aut occasio sese dabit, geminos alios sensus neglecturus non sim.

Prius tamen quam ad particularia gradum faciam, non abs re fuerit, ut omnis errori præcipiatur locus, indicare quo sensu vocem hanc *specificum* sequente in Tractatu accepturus sim, maxime in postrema trium præmemoratarum acceptioem.

Nomine itaque *Remedii Specifici* nequaquam illud intelligo quòd eum, ad verus quem natum est, morbum semper si adhibeatur curaturum sit: neque enim in ejusmodi remedium unquam incidi: neque illud specificum volo, quod neque cathartica, neque diuretica, neque sudorifica reliquorum remediorum more virtute agit, sed arcapà quadam, quam nullus explicet proprietate: per remedium itaque specificum illud intelligo quod persape, aut certè plerumque, vel insigniter agrotum alleviat, vel vulgaribus certè remediis potentius, si ve interim omnino curet, necne, aut multum morbum ipsius imminuat, quodque virtute quadam peculiari agit: cæterum si quā laudabili donatum sit qualitate: salutaris tamen ipsius effectus immeritò ascriberetur, ei, quam possidet, manifeste illius qualitatibus intentioni, puta caloris, frigoris, amaroris, virtutis sudorificæ, &c.

Dux magni momenti quæstiones circa specificas remediorum virtutes proponi poterunt : quæri itaque primò poterit, an specifica ulla existant remedia, secundò an his, si dentur, mechanica hypothesis adaptari queat.

Harum quæstionum prior duplicem pati sensum poterit, vel enim proponi potest comparatè ad eam quam jam rerum habemus cognitionem, vel comparatè ad eam quam temporis progressu acquirere possumus.

Sensu postremo (ut hîc loci hoc primùm expediàm) neutram contradictionis partem propugnandam suscipiam : neque enim spes tantùm me aliqua tenet, sed ea omnino in opinione sum, futurum aliquando ut sagacium hominum industriâ, plerarumque earum qualitatum quas occultas dicimus, causas detegantur, necnon & specificarum quæ remediis ascribuntur, virtutum aliunde, omnino vereor ne non eo homines, quem optarem, successu, investigent veras, immediatasque causas effectuum salutarium quorundam reme-
diorum.

ditorum, etiam instrumentorum ope, effectuum, inquam, salutarium, qui à de-
dicatis admodum nec communibus texturis oriuntur, moribusque miro quo-
dam modo, quique nostros sub sensu non cadunt, directis : quæ quidem con-
jectura eò verisimilior futura est, si mirabiles illos idiosyncrasyas dispositio-
num consideremus, quarum optimorum Scriptorum libri varia nobis suppedit-
ant exempla : quibus non pauca, si opus foret, à me ipso observata super-
addere possem : quamvis autem non me lateat, non improbabilem aliquorum
ejusmodi reddi rationem posse, ut quorundam à caeco, felibusque horroris :
ejusmodi tamen explicationes ad alia extendi non posse puto, quæ hîc nomi-
nari possent, si hoc ea loco examinanda forent.

Quod ad priorem quæstionis superiùs propositæ sensum attinet, fateor ad
affirmativam me magis propendere partem, quantum conjicere mihi licuit ex
iis Medicorum scriptis quæ in manus meas inciderunt : quod idcirco addo
quod privatis quibusdam derogare nollem qui sæculo adeo curioso ac sagaci,
profundiorum fortè rerum cognitionem assecuti sunt, quam ii Medici qui
de occultis, specificisque remedium qualitatibus cogitata sua publicarunt :
fuere, scio, semper, nec desunt adhuc Medici dogmatici, qui scholastica Philo-
sophiæ principiis, ut contendunt, freti, nullas medicas admittunt virtutes,
quas manifestas ad qualitates reduci non posse existiment : sed de his merito
conqueritur alicubi Galenus, quoddam vel *Materiam falsi*, ut aiunt, omnino ne-
gent, vel causas iis quos explicare nituntur, effectibus omnino impares affe-
rant : quod autem ad me spectat, tantum abest ut credam ab ejusmodi homi-
nibus rationes, quibus cuiquam fiat satis, occultiorum medicamentorum, vir-
tutem asserri posse, ut contra existimem obvias etiam familiaresque simplicium
virtutes, eorum principiis dilucidè explicari ab iis non posse.

Omnino itaque censeo sensu prius exposito, quædam reipsa extare remedia,
quæ *specificia* dici mereantur.

Hanc autem opinionem variæ mihi rationes persuaserant, atque ut ab ea
primùm quæ minoris momenti est, incipiam : huic sententiæ suffragantur plu-
rimi eruditi Medici tum recenciores, tum antiqui, atque ipse etiam locis non
paucis Galenus : ubi enim, memini, (*Galen. de simp. Med. fac. lib. ii.*) de
specifico quodam contra morsum canis rabidi remedio agit, cujus virtutem
occultæ cuiquam qualitati, aut ut ipse loquitur, totius substantiæ proprietati
ascribit, hac occasione pollicetur, librum se de iis quæ eò modo operantur,
conscriptum : qui liber si cum aliis ipsius operibus ad nos pervenisset, eum
enim alicubi tanquam scriptum cirat, non pauca fortè in opinionis nostræ
firmamentum suppeditasset.

Quamvis autem in rebus merè Philosophicis; parum autoritate solâ com-
movear, unanimis tamen hæc in controversia plurium doctorum Medicorum
consensus, eò majoris momenti est, quoddam eorum plerique quotidianæ praxeos
opportunitate observare facillè potuerint, utrum necne, remedia quædam *spe-
cifica* dici mererentur : horum porro autoritas eò majorem nostram in casu

vim obrinet, quodd nullum sub artem suam celebriores maxime cadere effectum velint cuius ipsi causam assignare nequeant : deinde paritate quadam rationis, ut *specificum* admittram, inducor : certum enim omnino est varios esse periculosos admodum morbos, quos exigua admodum veneni portio produxerit, quod tam terrorum effectuum causa non exiit, manifestà ullà qualitate, sive prima, sive secunda, sive tertia ; hæc est enim qualitatem non admodum, meo quidem iudicio, accurata apud Medicos decisio, seu distinctio.

Hac occasione casum quempiam sanè mirum superaddam, super quo, statim ferè, ubi res contigisset, expertus me *Oculista* consuluit : calus autem is ita se habebat : cùm quidam in multam lucem lecto se continuisset, ut supinus fortè jacebat, grandiore ex lecti umbellâ imminentem ori araneam conspexit, quare cùm supinæ, uxorem, quæ fortè in cubiculo aderat, negligentia accusasset, scopas illa in superiorem umbellæ partem ut aranea excuteretur, impexit, sed pediculis illa se suis, ne avelleretur, defendit ; moxque sive perterrita, sive violentâ hac succussione irritata, demisit rectâ in apertum aspicientis eventumquæ expectantis oculum guttulam liquoris cuiuspiam, cuius quidem ille, cùm acrimoniam nullam sentiret, sed sensibilem potius frigiditatem perciperet, rationem nullam habuit, neglexique : quare vestibus se suis cætera nihil sollicitus circumcinxit : sed non ita diu post, cùm alterum oculum digito detergeret, subito se seu coclirem, invocata frustra astantium ope, sensit : oculus enim in quem aranea guttulam demiserat, licet nullam in eo astantes mutationem percipere possent, videndi facultate omnino privatus fuit : eum itaque de quo supra, *Oculistam* consuluit : utrum autem visum necne postea recuperaret, compertum non habeo, cùm frustra & ego & *Oculista*, domum in qua degebat, quod fortè malè eam designasset, rescire conati essemus : hoc mihi in mentem revocabar, miratum me aliquando esse, muscas longè citius ab araneis interficiendas, quàm si vel earum capita rescerentur, vel aciculis, acubusve, perforentur.

Ut autem ad ea, quæ exigua sæpe veneni quantitas gignit, mea sese iterum oratio convertat : hinc meo quidem iudicio facile quis concluderet, remedia appropriata, copiosius præsertim administrata, insignes admodum in corpore humano mutationes in melius producere posse : sed quis fortè responderit, damnum inferri facilius, quàm procurari id quod commodum utique est : atque ita omnino rem se in genere, habere non diffitebor : in hoc ramen, de quo nunc, casu, considerandum venit, venena quædam, quæ horrenda adèd symptomata in corpore producunt, appropriatis sæpe remediis seu antidotis curari : quibus proinde sanandi facultas sat magna insit, ut ordinario naturæ iuvantis concursu venenati humoris efficaciam superent : cuius rei obvium hoc exemplum proponam : ut enim suavius odora quævis funesta sæpe retrique in hystericeis Symptomata gignunt, ita ustarum plumarum, perdicum pura, gallorum sylvestrium vapores tam citò sæpe ea curat, quàm suavis odor eadem produxit : nec semel comperi mulieres ejusmodi
forti

forti spiritu cornu cervi, aut salis ammoniaci breviori temporis spatio sibi restitui, quàm fragrantium odorum vi in paroxysmum inciderant.

Tertia, præcipuæque ratio, qua ut *Specifica* remedia admittam, inducor, ab experientiâ ducitur, testimonium hic Galeni proponere mihi liceret, qui non semel asserit, se propterea, magnam reposuisse virtutem spemque contra rabidi canis morsum in cineribus Cancrorum combustorum, quòd nullus qui hos adhucuerit, mortuus fuerit: atque ut de eorum utilitate hoc obiter dicam, addicere miranda prorsus sit horum cinerum vis, cum vel soli administrantur, eorum tamen virtutem augeri posse, si decem partibus cancrorum combustorum, partes quinque Gentianæ, aut thuris addiderimus: testaceorum porro horum piscium combustorum virtutem, aliquot ante Galenum sæculis cognitam fuisse comperio: eos enim Dioscorides commendat adversus eundem, de quo *Pergamenius*, Morbum: supersedebø hoc loco ea recensere remedia, quæ, licet à quibusdam eruditis Medicis laudantur ut *specificæ*, ab aliis tamen aut ut dubia reputantur; aut certè penitus rejiciuntur, cum convenientius sarge fortè futurum sit, si duo tria proferamus quæ notiora sunt.

Quotidianâ penè experientiâ in Italiâ, aliisque calidis regionibus innotescit, licet Scorpionum stimuli valde acutum sæpe dolorem producant, horrendaque symptomata, huic tamen malo facillè obviari, si Scorpio attritus vulneri apponatur, aut oleo Scorpionum pars læsa inungatur (quod idcirco ubique fere illic reperitur) hoc porro oleum suffocatis communi in oleo Scorpionibus diuque Soli exposito conficitur; cæterum liquor hic nullam manifestam præ se fert qualitatem cui indita ipsi sanandi vis ascribi possit.

Eorum Serpentum morsus, quos ob excitatam vacuâ quadam in caudis vesicâ sopitum, inonotos, seu *Rattle-Snakes*, Angli dicunt, longè venenatiores, periculosioresque Scorpionum stimulis sunt: cujus quidem rei testis oculatus, qui plures in Virginiam annos vixerat, ubi frequentes admodum sunt, permittum sanè mihi exemplum retulit, quod jam referre non vacat; cultores tamen ejus regionis Anglicorum Serpentum morsus feliciter curare solent ope cujusdam plantæ, quæ ab effectibus, nativæque solo, *Serpeniaria* Virginianæ nomine innotescit.

Quòd cortex Peruviana, in Anglia vulgò *Pulvis Iesuiticus*, dicta, *Specificum* sit adversus febres maxime quartanas remedium, plures docti Medici non admittunt modò, sed propugnant; cujus quidem Celeberrimus meriti Willisium privato quodam mecum in colloquio hoc elogium fecit, ubi aliorum in eandem censuram prius insinuasset, *Nobilissima* est, inquit, quam novimus *Medicina*: quamvis autem examinare nolim, an tam certum tutumque adversus febres *Specificum* sit, quàm à non paucis eruditis Medicis vulgò reputatur, *Specificum* tamen remedium omnino reor adversus febrium intermittentium paroxysmos, si *Specificum* sensu superius declarato accipimus, cum lon-

gè majoris virtutis sit quam alia remedia antiscorbutica à plerisque Medicis per multa secula adhibita.

Atque commemorare hic ipse possem, vidisse me lapidem, cujus in hæmorrhagiis sistendis efficacia miramini videbatur, aliumque quempiam qui adversus morbos non paucos mirum in modum valebat, quamvis neutrum observari manifesta quapiam qualitate agere: alia quædam addere hic loci particularia possem, quæ in confirmationem opinionis nostræ ab experientia duci possunt, vel aptius fortè collocanda forent in residua aliqua dissertationis hujusce parte.

Scio equidem tria præcipui momenti argumenta, ab iis qui remedia *specificæ* rejiciunt, proponi: quidam enim Medici negant ullos remedium effectus esse ejusmodi, ut ipsa mereantur *specificæ* dici: nostram alii opinionem amplecterentur, nisi modum quo remedium *specificum* operaretur, inexplicabilem putarent, quod propterea rei eo nomine rejiciunt: alii rursus, multum ab his discrepantes, ea quidem efficacia admodum farentur, sed omnem eorum efficaciam à manifestis qualitatibus derivant, puta calore, frigore, tenuitate partium, facultate diuretica, emetica, &c. Vnum tantum ab iis qui remedia *specificæ* rejiciunt proponitur argumentum, ejus fateor momenti robustiusque in speciem, ut hoc loco speciatim illud examinandum judicem, ne fortè nisi dilueretur, non leve contra quæcumque sequente in dissertatione dicturi sumus, præjudicium concitaret. Dicit enim poterit medicinam interius sumptam in Stomacho, visceribusque multum immutandam digestionem, alimentique illic præviis, magnamque illius partem inter excrementa proscribendam, egressamque jam è Stomacho variis discrepantium texturarum *Colicis*, *Sirainers*, impingendam, quæ omnia, fortè, vel pleraque corpusculorum medicorum sistant: si quæ autem fortè utpote acutiora per hos omnes obices pepererint, aut substantiæ corporis assimilabuntur, aut omnino mutabuntur ab iis partibus, cum quibus illic coalescent: aut si quæ obstinatius pristinam suam naturam corpuscula retinerent, pauciora probabiliter futura sunt quam ut insigni aliqua in corpus virtute agere possint. Sed specioso huic argumento non desunt quæ respondeam.

Ac *primo* quidem quædam proferre remedia *Specificæ* possum, ut unguenta quædam, emplastra, collyria, amuleta, pericarpia, &c. quorum exterius ubi applicata fuerint, corpuscula in ipsam sanguinis massam insinuare sese queunt, quamvis per stomachum non transcant: hæc itaque atque ejusmodi proposita superius objectio non spectat.

Secundo adversus Medicos Galenicos qui objectionem superiorem potissimum urgent, non video cur argumentum ad hominem fieri non possit: eadem enim ferè difficultates, aut aliæ nihilo minores contra communem apud ipsos opinionem proponi poterunt: cum enim admittant credantque cathartici, cardiaci, diaphoretici, cephalici, hepatici, ac quibusdam aliis remediis, dulcorati, ac contemperati sanguinem, partesque stabiles mox commemora-

tas utiliter iisdem affici, eamque hæc medicamenta non nudis agant qualitatibus, sed exilibus substantiæ suæ particulis.

Si describere queant qui hæc particula magno numero in intima corporis receptacula introeant, particularibus suis virtutibus illibatis, atque irrefractis, eadem ope, opereque nos docuerint qua ratione proposito argumento respondere debeamus.

Quia autem plerique Medicorum tenent, lac & urinam *materialiter* massæ sanguinis incxislere, atque ab eadem uberibus renibusque separari, quàm invalidis contra remedia specifica nitantur argumentis ipsa experientia planum fieri posse puro: facile enim quis observavit, atque à meipso sæpe observatum est, thabarbæ multas sæpe per horas tingendam esse eorum urinam qui paulo majorem illius dosim sumpserunt: atque in quibusdam Coloniae Anglicanis *America* quidam fructus crescunt quos incolæ *pyra variegata*, seu *Prickled Pear* dicunt, quorum interior substantia rubra admodum est, quæ tum colore, tum grato sapore appetitum sæpe aspectantium irritant: eorum autem succus aded penetrans est, ut per stomachum in vesicam, indeque in marulam rubedine aded parum immutata transeat, ut alienigenæ rei novitate stupefacti hoc fructu aut urinam Sanguinolentam, aut certè, Sanguinem merum prolici à se purent: vulgatum omnino hoc est in meridionalibus nostris coloniis, mihiq; assertum à teste oculato, atque à celebri etiam Medico. Quod autem ad lac spectat, magnus ipse etiam Hippocrates nos docet, si Capra Elaterium comederit, virtutem catharticam ad ipsum etiam lac propagari: infantemque qui illud biberit, ed purgandum. Memini porro cum in finibus Helvetiæ sub vernum tempus commorarer, hoc permixtum sanè phænomenon à me fuisse observatum. Cum enim eo in districtu vacæ abundantius, ut ea tempestate solent, herba quadam pascerentur, quæ sylvestre quoddam allium reputabatur, iis in pascuis illic frequens, ipsum earum, è lacte confectum butyrum aded herbæ saporem exhibebat, ut licet ab illius esu propterea non cohiberet, multi tamen extranei alii alienigenæ cohibiti fuerint, licet, recens illud foret, ac selectum. Memini insuper cum hycem in Comitatu *Coregia* in Hybetriâ prope mare transgissem, ab omnibus vulgò observari avem quandam voracem marinam, cujus nomen mihi excidit, quæ piscibus tantum ferè victitæ (quorum ut ita loquar, greges, miratus sum sæpe quam multæ voraces, volucres sequerentur:) ejusmodi porro volucres eum acquirebant saporem, ut non immeritò quis dubitaret caronem piscium eorum substantia foret, an volucrum. Quàm autem variorum corporum particula naturæ suæ tenaces sint, in quavis digestionem, *colisq; Strainers*, per quas transeunt, filius alio in Tractatu f. docui: atque hoc loco sat superque, ni fallor dixi, ut jam mihi liceat, ad quartam responsionis meæ partem procedere.

Considerandum itaque postremum venit, cum obijciatur exigua eam remedia sup: ratione d. q. m. a. n. o. v. m. i. a. l. i. a. n. i. t. u. p. a. g. a. m. c. o. n. s. i. q. u. e. m. e. d. i. i. f. i. p. e. s. e. m. i. n. a. l. i. u. m. p. r. i. n. c. i. p. i. o. r. u. m. o. c. c. u. l. a. t. i. o. n. e.

medii specifici quantitatem, quæ naturam propriam retinet, cum ad partem in quam agere debeat, pervenerit, exiguum aut nullam penè retinere virtutem; hac difficultate parum eos esse commovendos, qui noverint quàm minime tutum sit naturalium agentium in corpus humanum efficaciam ex mole potius metiri quàm ex activitate, ac subtilitate. Cum quæsissem ex Generoso quodam Viro sobrio qui Coloniz in zonâ corridâ Gubernator navi Anglicanæ Ballicæ præerat, atque ad superiorein partem magni fluminis Gambriæ, aut Gambriæ in Africa navigarat, ubi Commericii causâ aliquo tempore commoratus fuerat: cum ex eo, inquam, quæsissem inter alia de venenis quæ summæ virtutis dicuntur in regionibus ex quibus venerat; respondit habere *Nigros* venenum, quod licet aliquatenus lentum, aded tamen lethale foret exigua in dosi, ut tantum ejusdem sub unguiculis, qui longiores plerumque sunt, it regere solerent, quantum interficiendo homini sufficeret: absconditum autem sub unguiculis venenum tantâ dexteritate demittunt in porum, lac, jusculum, aliumve quempiam liquorem in alimentum destinatum, ut vix venenum hoc alienigenæ quantumvis circumspècti vicare queant. Quocirca, ut ipse mihi asseruit, licet interdum cum istarum regionum *Regulis* vinceretur, nihil tamen ex eadem patinâ comedere, aut ex eodem poculo bibere volebat. Addidit in alia Africæ parte, clarissimum Equitem, qui Anglis illic imperabat, nec ita pridem in suo in Angliam reditu obierat, ejusmodi veneno fuisse interfectum in epulis ad celebrandum ipsius discessum præparatis. Quamvis autem hic, qui hæc mihi narrarat, suam ipsi suspicionem declarasset, novæ scilicet invaletudinis ipsius causam fuisse ejusmodi quodpiam venenum, ipseque proinde Antidoto Cardiaca, Theriacam, &c. sumpsisset, lethifero tamen hoc languore extinctus demum est.

Indicare possem & nominare vegetabilem quamdam substantiam in Europa crescentem, & fortè non procul hinc, quæ licet ab Empiricis quibusdam tanquam Medicamentum adhibetur, aded violenter Cathartica est, ut vel unicum illius granum periculosas admodum Hypercatharthes inducere à celebri quodam inter recentiores Medico dicatur; quarum quidem quasdam correxit: cum omnes, ne mortifera forent, impedire nequirit. Quia autem multi sanè ingeniosi negant viperas nostras Anglicanas esse venenatas: addam in confirmationem argumenti, quod variis hætenus modis robotavi, nosse me juvenem quempiam, qui ab Anglicana viperâ quam temerè manu apprehendisset, cum morius fuisset, licet manus tantùm puncta fuerit, eadem tamen subito passus est symptomata quæ ejusce Serpentis morsum consequi solent.

Venenum tamen hoc minio vulnere propagatum est, quod centesimam capitelli aciculæ partem forè non æquaret: inter alia autem symptomata, tota enim de re diligenter eum interrogavi, illaudabilem omnino materiam evomuit. Novi pariter non-neminem qui medicinam in Insulâ *Lava* exercuerat, in qua Scorpiones magis quàm in Italia venenati perhibentur: qui, cum

venenatus centesimam partem non æquaret

fortè liberalius potàſſet à provocato Scorpione ictus, licèt vulnus in manu tantùm foret, & tantillum, ut nulla, quæ conſpici poſſet, cicatrix ſuperèſſet, tantum per aliquot horas paſſus eſt dolorem, donec remedium ſibi *ſpecificum* procuràſſet, ut moriturum ſe ſibi perſuaſum haberet, ardorem enim intus diſſum adedò ſentiebat, ut (ejus utor phraſi) inferorum in corpus ſuum irrupiſſe ignem exiſtimaret. Neque venena tantùm, licèt perexiguæ tum ſolis, tum ponderis, humanum in corpus inſigniter agunt, quor enim mulieres robuſtæ, firmæque valitudinis, deliquium patiuntur, ac de ſuffocatione paſſim conqueruntur, motibusque convulſivis corripiuntur ſola moſchi, aut pulveris felis odoratæ fragrantia: licèt omnia effluvia ejusmodi ſymptomata inducentia, unicum in aggregatum reduc-ta, fortè centeſimam, aut milleſimam etiam grani partem non conſtituerent: ſæpe autem ejusmodi paroxyſmos ſubito compeſcui odore ſalis volatilis, cornu cervi, ſalis Ammoniaci, & ſimilium, aut deſtillatorum etiam ſpirituum ejusmodi ſalibus imprægnatorum; licèt fortè omnes particulæ, quibus recreatus eſt æger, horrendaque illa ſymptomata ſedata fuerunt, non æquàſſent, aut mole, aut pondere decimam, ne dicam ſequiquageſimam unius grani ſeminis Sinapi partem. Quod autem ad remedia interna ſpectat, ſat vulgò notum eſt, corpuscula quæ liquorem in quo crocus metallorum maceratus fuerit, adedò emericum, catharticumque red-dunt, tantæ eſſe exilitatis, ut magna vini, aliorumque liquorum quantitas iſſdem imprægnari poſſit, nulla ſenſibili factâ diminutione corporis à quo menſtrui vi deteruntur: cujus rei non minus inſigne, aut inſignius etiam fortè in argento vivo exhibetur exemplum: obſervatur enim ab Helmontio, licèt liquor nec quoad odorem, nec quoad ſaporem mutetur, neque ullatenus diminutus ſit ſenſibiliter Mercurius, aut levior factus, liquorem tamen ope effluvi-orum illorum ſenſibili pondere carentium, inſignem adverſus vermes acquirere virtutem. Quare non Helmontius modò, ſed & ante illum peritiſſimus Chymicus Hartmannus, aliſque præſtantiſſimus Scriptor, hoc remedium extollunt. Hic autem loci memini elegantem puerum illuſtris familiæ hæredem, periculosa correptum feбри, quæ à vermicibus aut vermiculoſa quadam materiâ oriri videbatur, celebriſ Medici curæ fuiſſe commiſſum, qui ingenuè mihi faſſus eſt, nullam ſibi ſuperèſſe ejus ſervandi ſpem: quia cum ſuo ſemper vixiſſet arbitrio, remediis-que optato ſucceſſu carentibus fati-gatus, tantâ pertinaciâ quicquid medicamentum quodpiam oleret, reſpuebat, ut nulla induci arte poſſuerit, ad alium quàm debiliſ cereviſæ porum. Quare conſentientibus & Medico, & Comite cujus filius erat, debiliſ quæ urebatur cereviſia, mercurialibus imprægnata eſt particulis, unâ cum argento vivo frequenter agitata; quo factum eſt ut æger nullâ coloris, aut ſaporis in poru mutatione percepit, eam avidè deglutierit, Deique beneficio ſanitati reſtitutus fuerit: quam parentes, & Medicus mercuriali remedio aſcribebant. Hanc meam, unâ ſuper objectione, prolixitatem, condemnarem, ni futurum ſperarem reſponſione hac, ut faciliùs, & brevius quæ de remediis ſpeci-

ficis dicenda sunt, traderem: quid porro de remediis specificis sentiam, paucis propositionibus, nec prolixis dissertationibus deinceps proponam.

Cum priorem duarum questionum superius propositarum expedierim, ad posteriorem jam procedo; Utrum scilicet Mechanica hypothesis *remediis specificis* adaptari possit, ita ut aut ipsius ope explicari hæc intelligibiliter possint, aut eisdem saltem reconciliari queant. Facile, opinor, credideris paucos esse Scriptores qui libentiùs fateantur, quàm limitata nostra omnis scientia sit, quantaque multarum in naturâ rerum obscuritas sit, aut qui faciliùs admittat multos specificorum remediorum effectus, abstrusis iis rebus esse annumerandos quos natura sibi quasi in occulto reservasse viderit: cum tamen mecum ipse perpendo quàm late pateant corpuscularis Philosophiæ principia, omnino spero futurum ut multi remediorum illorum effectus explicentur generali quadam methodo eorum ope, quorum proinde nullus iis principiis contradicat. Quod semel à te observatum velim, ut sequentis dissertationis scopo memoria commendata, non mireris, si sat mihi plerumque fuerit, quâdam in genere afferre quæ dari possint, explicationes, ostendamque specifica remedia hoc vel illo quem propono modo operari posse, quamvis nihil certi torâ de re asserim. Indicavi sub initium hujus Tractatus tria esse virtutum seu qualitarum genera quas Medici *Specificas* dicunt, quæ, scilicet, particularem quempiam humorem evacuant, quæ huic illive corporis parti speciatim congruæ, amicæque sunt, quæque modo incognito, determinatum quempiam morbum aut curant, aut multum imminuunt. Hæc autem dissertatio mea postrema peculiariter circa remedia versabitur, ut quæ majoris sint reipsa momenti, præcipuumque præsentis disputationis argumentum: quædam tamen identidem superaddam, quibus quæ ad tertium hoc specificorum genus spectant, aliis etiam duobus *mutatis mutandis*, applicari faciliè possint.

Hic autem fundamenti instar ponam, quod alio in Tractatu tradidi ac probavi, Humanum corpus animatum, non esse meræ instar statux spectandum, quasi nihil aliud foret quàm mera earum rerum ex quibus constat, congeries, puta, carnis, sanguinis, ossium, pinguedinis, nervorum, venarum, arteriarum, &c. Mirabilis enim quædam machina est ex fixis, liquidis, pneumaticisque substantiis exquisito adedò artificio proprios in usus adaptatis, ut sæpe de agentis cujuscumque in illud actione non tam judicandum sit ex potentia viribusque agentis in se spectati, quàm ex effectibus qui inde existunt. mutuâ partium viventis machinæ in se invicem actione.

His præmissis, observandum est necesse non esse ut quis concedat operationes omnium *Specificorum* aut eorundem diversis in morbis ejusdem esse generis oportere: diversa enim specifica variis operari modis possunt; quorum quædam illorum modorum quapiam hunc vel illum morbum oppugnare queunt, aliæque alium domare morbum poterunt. Generalium autem horum modorum paucis jam proponam sex vel septem qui mihi jam occurrunt:

primi,

prius tamen omnino monendus es, *Specificum remedium* non curare ut plurimum ægrum, licet aliquando curet, hoc vel illo singulari modo operandi, sed duorum, aut plurium concursu, qui junctis quasi viribus rem efficiunt.

Propositio Prima.

Remedia Specifica curare interdum possunt discutiendo aut resolvendo materiam morbosam, qua discussione seu resolutione per communes corporis meatus, porisque cutis facilius expellatur.

SAT notum est morbos non paucos, eosque sæpe obstinatos ac Chronicos, à tenacibus quibusdam, viscosisque humoribus oriri, qui inearus obstruant, quibus & Sanguis circulari, aliique utiles liquores transmitti debeant: peccantesque hi humores sunt sæpe adeo viscosi, tenacesque, ut vulgaribus remediis vix cedant. Specificum tamen exilitate congruitque corpusculorum figuris per poros ad tenacem hanc materiam penetrare poterit: hæc porro, corpuscula inquam suâ soliditate, figurâ, agitatione, nativo ægri calore concurrente, dissolvere poterunt ac labefactare morbosam materiam texturam, unde idonea fiat quæ foras à natura cogatur, utina, sudore, aliâve quapiam commodâ innoxiaque evacuatione: ita Sanguis, aliusve quipiam corporis liquor imprægnatus (ut Chymicâ phrasî utar) amicis, actuosisque remedii particulis, appropriatum jam menstruum sit comparatè ad materiam peccantem: ut aqua sale armoniaco imprægnata sit menstruum, quo paulatim & cuprum, & ferrum quantumvis compacta corpora sint, dissolvantur. Dixi *appropriatum menstruum*, nihil enim subest causæ cur supponamus menstruum agere manifestâ ullâ qualitate ut calore, humiditate, &c. aut ipsa etiam aciditate, sed figura potius, mole, soliditate, aliisque mechanicis particularum affectionibus quibus partes corporis determinatæ ejusmodi texturæ dissolvantur. Ut enim alio in Tractatu fusiùs docui, plura sunt, quàm plerique observent distincta menstruorum genera, de quorum operationibus nemo tutè pronuntiavit è viribus manifestarum, quas præ se ferunt, qualitarum cum contingere sæpenumero possit, ut menstruum minus acidum, aut salis non nimium fortis, hoc illudve corpus dissolvere queat, in quod fortius in speciem menstruam agere nequit. Ita frigida albumen ovi dissolvit, quod putus vini Spiritus coagulabit (quod pariter Spiritus salis, oleique atque ipsius etiam vitrioli præstabit) dephlegmatus pariter urinæ spiritus minutas Cupri limaturas faciliè dissolvit, in quas spiritus aceti lentè tantum agere. Hic tamen liquor celeriter oculos cancerorum dissolvit, quos spiritus urinæ intactos relinquit. Mercurius quoque qui insipidus est, in frigido dissolvit aurum, quod ipsa aqua fortis licet externo calore concurrente, non

dissolvit; atramen aqua fortis ferrum varias in partes comminuit, licet mercurius ne ipsius quidem superficiei vel adhæreat. Atque ita denique ne nimis multa accumulæ exempla, oleum commune quod tam bene lingua percipit, ac ne ovorum quidem testas dissolvit, Sulphur dissolvit, quod tamen aquæ forti resistit. Hæc, quamvis omnia ferè metalla, præter varios præduros lapides, & mineralia, comminuat: atque liquorem quidem novi utpote quem non semel præparatum, qui licet adeò debilis sit, ut quis plenum eo, absque omni periculo, poculum ebibere possit, ea quædam tamen in prædura corpora, tum lapides, tum metalla agit eo modo, quem nulla Chymicorum menstrua quantumvis corrosiva æquent.

Si itaque ponamus actiosa Specifici remedii corpuscula sanguini associata, aut alii cuivis quod imprægnaverint, vehiculo more menstrui in obviam morbosicam materiam agere: si hoc, inquam, posuerimus, varia hinc illustrare poterimus, quæ ad *Specifici remedii* operationes spectant, atque tunc primum colligere licebit, cur appropriatum remedium quædam perficiat, quæ ab alio perfici nequeunt, cujus manifestæ qualitates ejusdem generis videntur, ac virtutis longè intensioris. Neque enim agunt semper menstrua, juxta aciditatis suæ gradum, aut sensibilem quampiam ejusmodi qualitatem; sed corpusculorum juxta congruitatem cum corporis dissolvendi poris, atque etiam sæpe juxta apertitudinem quamdam à mechanicis agentis liquoris affectionibus ortam. Quare tum Medici, tum alii facile decipi possunt, dum argumentantur à *majori ad minus*, & à *minori ad majus*. Neque enim legitime concluderet, qui hunc in modum argumentaretur: Aqua, exiguæ virtutis liquor, gummi Arabicum dissolvit, ergo summè rectificatus vini spiritus, utpote subtilior longè, penetrantiorque liquor potentius idem dissolvit. Contrarium enim experientia patet: neque hæc ratiocinatio valet, oleum vitrioli gustui magis corrosivum est, multaque dissolvit corpora, quæ aqua fortis non dissolvit; ergo *argentum* quoque aquæ fortis instar dissolvit: cujus contrarium verum est. Neque etiam rite concluderet, qui hunc in modum ratiocinaretur: Aqua fortis dissolvit argentum acidorum spirituum virtute; ergo quo magis hisce abundaret, eo validius violentiusque hoc metallum dissolvit: cum alibi experientia docuerim, si aqua fortis his multum abundavit, futurum ut in argentum non agit: agit autem illico, si additâ conveniente aquæ communis quantitate debilitata fuerit.

Hic addam dissolutionem corporis pendere posse tam à peculiari corporis ipsius texturâ, quàm à manifesta menstrui virtute.

2. Ex priori doctrina suggeri ratio quædam poterit, cur Medicamentum quod unum aliquem adversus morbum mira præstitit, parum aut nihil adversus alium præster, priori licet ut quidam putabunt non absurdum, ac facilius etiam ab eo superabilem: hæc enim in speciem cognatio non tanta fuerit ut non aliqua texturæ in *morbificis materiis* dissimilitudo in causa esse possit cur Medicamentum in unam materiam Medicam, & non in alteram agere queat.

Quamvis

Quamvis autem purus vini spiritus sat facile gummi Guajacum dissolvat, portionelque resinosa materia in poris exiguisque ligni cavitatibus conclusa; idem tamen menstruum ipsum in lignum non ager, in lignum, inquam, arboris solubiles hasce substantias suppeditantis.

Hinc mirum videri non debet quod specifica remedia non semper confectos sortiantur effectus: ut easdem agorum corpora discrepare multum solent, aut juxta naturam earum constitutionum, aut juxta acquisitam, ipso quo agitantur, morbo, vel utramque hanc ob causam, ita mirum videri non debet, in quibusdam, e multis aegris, contrarietatem, *agens inter & patiens*; alteratam esse aut insigni aliqua mutatione. *texturae materiae morbosae* aut insigni quadam alteratione corpusculorum Medicamenti, quam patiuntur in suo per vasa transitu incongruatum quarundam particulatum sanguinis, alteriusve cujuspiam vehiculi admixtione: ita spiritus salis, ut exploravi, dissolver cuprum, instat spiritus nitri: licet tamen liquor hic postremo nominatus dissolvat argentum, si tamen eum spiritus salis immisceas, qui simili utriusque in cuprum actione, ei amicus videtur, non amplius spiritus nitri argentum ut ante dissolvere poteris.

3. Ex nostra pariter hypothesi dilui poterit præcipuum eorum qui Medicamenta specifica negant, argumentum. Qui enim, instantes dicunt, fieri potest, ut Medicamentum tota sanguinis massa divagatum, omnibus aliis sibi obviis neglectis, morbosicam, quam homines proscriptam vellent, materiam quasi seligeret? Si enim Medicamentum operetur imprægnatione sanguinis, aut cujuspiam alterius liquoris in corpore, quem in quoddam menstrui genus convertat: fieri omnino poterit ut *cola, strainers*, quas corpuscula transire debent, sistant minus idoneas vehiculi partes, (quodque nostro in casu majoris omnino momenti est) ut vel menstruum peccanti humori sit appropriatum, ut aliàs declaravimus, vel certe ita immutari saltem poterit, ut hanc facilius, quam ullam aliam in corpore obviam substantiam resolvat. Ut si cineres ex ossibus, *crocum* metallorum, sectilem pulverem, pulveratum Salem marinum, aurique limaturas simul commisceas, dimidioque hujus mixturæ aquam communem affundas, solum ea salem marinum dissolvat: porro si alteri hujus mixturæ dimidio sufficientem Mercurii quantitatem affundas, simulque perfrices, metallicis hinc liquor reliquis omnibus ingredientibus relictis, ipsoque etiam sale marino, auro adhærebit. Qui autem in Hispanicis aurifodinis laborant, asserunt, cum mineram quampiam, aurum & cuprum, præter heterogenea mineralia complexam comminuerint, argentum vivum valde calefactum, adjuncturum sibi aurum multò citius, arctiusque quam Cuprum, cum vix posterius attingat, quamdiu non contemnenda alterius quantitas in quam agat, remanet: quantum autem ad supposititiam illam difficultatem quod medicamentum scrutari quodammodo, ac quærere materiam morbosicam debeat, in quocunque corporis vasculo lateat: non levis hæc obiectio extitisset, cum, cum sanguinis circulatio nondum innotuisset: jam autem non ita se res habet

cum probe noverimus quæ semel massæ sanguinis sese commiscuerint, ejusdem motu ad minima etiam, remotissimaque corporis vascula circumfusi.

4. Hic autem loci indicandum est ex nostra hypothesis respondere non posse eruditis illis Physicis qui vel rejiciunt, vel contemnunt. externa pleraque remedia, maxime *pericarpia*, *amuleta*, & *apensa*, tum quodd corpori exterius tantum tacto nullam medicarum particularum copiam suggerere possint, tum quodd, hoc porro hic loci maxime considerandum venit, cum externa tantum remedia sint, internis morbis laborantibus prodesse nequeant, iis præsertim morbis, qui patras corporis ab externis, ille quibus remedia applicantur, magis distas afficiunt: quod autem ad priorem objectionis partem spectat, non difficile fuerit ei respondere: qui legerit quæ alibi de subtilitate, numerositate, efficaciaque effluviolum scripsi: animadvertamus tantum quantam particulatum à naribus perceptibilem copiam, ac diu quidem exigua ambra-græz portio emitat, aut etiam *Camphora*, quæ sæpius exterius adhibetur: mentis insuper nostræ oculis obiciamus multitudinem magneticorum corpusculorum per multos continuè annos agminarim è vegeto magnere erumpentium, ut fieri omnino posse existimemus ut sicca etiam, solidaque corpora eam effluviolum copiam subministrant: quæ magna profus in pulcherrima humani corporis fabricâ perficiantur.

Videmus enim odore Moschi, aut felis odoratz, non paucos in paroxysmos subito conjici: qui Castorei, aut assæ fœtidæ, ac multo magis satris cornu cervi, aut ammoniaci odoribus statim sibi restituntur. Quodd jam ad alteram objectionis partem attinet, quodd alibi à me effectum est †, admittiturque à præcipuis recentiorum Medicorum, de cutis porositate, sat superque ostendit fieri omnino posse ut subtilia variorum corporum effluvia in corpus per cutis poros penetrant, cumque semel vel minora in vascula sese insinuarint, facile conceperimus, qui hinc in majora, adeoque in sanguinis massam penetrant: cujus circulatione facillimè ad omnes corporis partes devehî possint, atque aded ad ipsam morbi sedem, ac fortè etiam, ut hoc obiter superaddam, virtus eorum corpusculorum, quæ non per ipsam portam, sed per ipsam Clavis, ut ita loquar, foramen subintrant, eo major fuerit, quodd statim massæ sanguinis associantur: dum in stomacho, aliisque partibus non digeruntur, quæ digestionem virtutes Medicamentorum per os assumptorum, ac æquam sanguini commixta fuerint, sæpe comminuntur.

† Tracta. de poros. corp. animal.

Proposio

Propositio Secunda.

Interdum remedio specifico, mortificari possunt nimium acida, aut alia quæ, ipsius excessu suo noxia particula, quæ massam sanguinis inficiunt, aut coagulandi facultatem aliisque effectus destruunt.

Icet cum his non sentiam qui non ita pridem omnes morbos aciditatis ascribunt, aciditati inquam in sanguine, aliisque corporis liquoribus copiosiori, cujus interventu partes etiam fixæ patiantur, libens tamen admitto, plurimos morbos aut ab ipsis oriri acidis, aut à malignis eorum affectibus; cui conformiter doctrinæ probabiliter omnino conceperimus multos morbos aut omnino curari posse, aut multum imminui *Specifico remedio* corpusculis ad acida mortificanda idoneis abundanti. Hæc mortificatio pluribus effici modis poterit: quorum qui mihi jam occurrunt, præcipui hi duo sunt.

Quædam enim corpora, acida mortificant, aut obtundunt, hostilitate, ut ita loquar, positivâ; hoc est, eâ contrarietate quæ ex sapore discerni queat, magisque adhuc conspicuo conflictu, manifestoque tumultu, qui producitur quoties acidum invadunt; ex hoc genere acidum mortificantium, sunt pleraque alcalisata salia, sive fixa, ut sale lixiviatâ plantarum, sive volatilia, ut spiritus; ascendentiæque salia urinæ, sanguinis, cornu cervi, fuliginis, &c. ut exemplo indicari poterit cum hæc salia immiscentur aquæ forti, spiritui salis, olei, vitrioli, aliisque acidis liquoribus: unde obiter conjicere licet, Galenicis eos falli qui virtutes spiritus cornu cervi, urinæque ascribunt tenuitati tantum pariter, motus celeritati, aliisque ejuscemodi affectionibus, ne tam utilem notionem Chymicis acceptam referrent, contrarietatem scilicet acidorum, atque alcalium.

Primarius alter, quo acida mortificari, obtundive possunt modus in eo positus est ut vaginâ quadam, ut ita loquar, cohibeantur: ut enim culter obtusus sit, si acies ipsa abradatur, aliove quovis modo deteratur: aut si ipsam vaginâ apta laminam tegas, panive, aut alii cuiquam corpori insigas; ita acidum corpusculum facultatem scindendi, aut pungendi amittere poterit, quoties ipsius figuram labefactat actione suâ validum manifestumque alcali, aut quoties porosi corporis quasi vaginâ concluditur, licet illud fortè nullo præditum sapore sit, aliave manifestâ qualitate, vi cujus judicaretur acido à se enervato contrarium; ut lima, cultri aciei contraria est. Hujus mortificandorum acidorum methodi Chymicæ nobis operationes varia suppeditant exempla, ut quando minimum destruit aciditatem spiritus aceti, ut calx viva, quod expertus sum aciditatem etiam aquæ fortis tollit: lapis quoque Calaminaris multum imminuit, alteratque aciditatem spiritus salis, atque etiam spiritus nitrî.

Hoc

Hoc porro minerale eo libentius commemoro, tum quia qualitates ipsius minus notæ sunt Medicis, & Chymicis plerisque, tum quia argumentum mihi suppeditat, quo problem acidæ posse, licet non existimem semper ita se habere, corporibus quasi vaginis concludi, corporibus, inquam, iis quæ eadem insensibiliter mortificant: ut enim à Glaubero sat conformiter vero observatum est, spiritus acidus in quibusdam experientiâ didici, vi ignis in distillatione elici possunt è lapide Calaminari, bene dephlegmati, multoque quàm prius, fortiores.

Novi equidem obijci hic posse acidorum mortificationem manifestis à qualitatibus fieri: quocirca nihil inde in eorum gratiam qui specifica remedia propugnant, concludi poterit: At respondeo primò facultatem mortificandorum acidorum, maxime eadem quasi vaginâ concludendi, aut si mavis absorbendi, nec esse de genere primarum, secundarum, aut tertiæ qualitatum, quas in medicamentis priores Medici observabant: licet harum qualitatum par curandis morbis virtus adhibita fuerit, atque etiamnum adhibearur à multis tanquam ratio sufficiens ob quam specifica remediorum virtutes rejiciantur. 2. Respondeo non levem mihi semper visum esse, atque infelicem prorsus, magnique momenti errorem, quòd tot eruditi recentiores Medici supponant, admittantque, si medicamentum quodpiam manifestâ quâpiam qualitate, ut acidâ, aut alcalisatâ, præditum sit, salutarem ejusdem effectum, quod pariter de illato damno dici ut plurimum poterit, huic tunc qualitati ascribi posse: hoc est quod medicamentum acidæ, aut alcalisatæ naturæ sit: cum meo quidem Judicio, quod magnum sit discrimen, ut variis experimentis didici, inter acidum & acidum, atque alcali inter ac alcali, distinguendum omnino pure inter acidum quæ tale, atque idem certo modo modificatum: ita omnia quæ quidem norim acidâ si bene dephlegmata fuerint, Cuprum dissolvunt: at tamen aqua regis quæ non tantum illud metallum dissolvit, sed aurum longè compactius, argentum omnino non dissolvit: aliunde aqua fortis, quæ vis corrosivum admodum menstruum sit, seipsâ aurum non dissolvit, si tamen eam de novo modifies, addito eidem communi spiritu salis, qui, ut sæpe competi, quicquid contra putent, aut scripserint Chymici, id intactum relinquet, aqua fortis tum faciliè metallum illud dissolvit: quin non discrepans tantum modificatio discrimen acidum inter, ac acidum introduxerit, sed veram etiam juxta rectum de rebus judicandi modum contrarietatem: spiritus enim salis argentum præcipitabit, quod aqua fortis dissolvit: ac spiritus nitri, licet nullum eo acidius menstruum existat, non tantum pulverem antimonii ex mirabili eâ substantiâ quam Chymici butyrum antimonii dicunt, præcipitabit, sed magno etiam conflictu, tumultu, atque effervescentiâ.

Hoc tamen antimonii butyrum tantopere acidum est, ut exigua illius quantitas in magnâ aquæ quantitate conjecta aded eam acidam reddat, ut à multis Chymicis acutum *Philosopherum* dicatur. Quæ ut propositi superiùs objectioni applicem, revocari à te in memoriam velim, sub initium hujus epistolæ

stolz indicasse me tibi, non negari à me, *Specificum* remedium non tantum habere interdum adjunctas manifestas qualitates, aut earum partim virtute agere, sed tantum existimare me, salutarem, qui oritur, effectum non deberi, huic manifestæ qualitatibus intentioni, sed cuiuspiam superaddito, quod specificam medicamento adversus hunc illiusve particularem morbum virtutem communicavit: cui conformiter dici poterit, ut varia acidorum, alcaliumque genera sunt, non quodlibet acidum à quovis alcali mortificandum: quod inde illustrari poterit, quod, licet quando Cuprum in aqua fortis dissolvitur, solius calcis rite applicatæ ope fieri possit ut menstruum metalli corpuscula demittat, si tamen tam intense coloratæ cupri solutioni affundas, quod ut ingeniosos quosdam convincerem, feci, debitam spiritus urinæ aut alterius cuspium volatilis alcali quantitatem, quamvis magnus statim conflictus, manifestaque ebullitio oriantur magno cum strepitu, bullulisque innumeris, tamen salia ea hostilia inter, acida aquæ fortis corpuscula non ita mortificabantur ut metallum demittant: solutio autem colorem priore intensiorem adipiscitur.

Cum autem mecum ipse perpendo quantum peritus observator reperire discrimen possit acetum inter, alumen, Crystallos Tartari, succum Linoniorum, succum Berberarum, oleaque, ut Chymici loquuntur, essentialia plantarum palato acidarum, ut alia quamplurima acida omittam; facile crediderim turbatam jam inordinatamque naturam ægroto in corpore acida diversi generis produxisse, quæ nobis peculiariter nota non sunt: quorum quædam ejusmodi sunt, ut nullis communium nostrorum alcalium quæ talium mortificari possint: quæ tamen, quasi *vaginata* mortificari queant appropriatis quibusdam, aut peculiariter modificatis remediis specifici corpusculis: quod illustrari poterit ex eo quod alibi observatum est, quod, licet neque spiritus aceti, neque spiritus salis, nec oleum ipsius vitrioli, quantum quidem expertus sum, dissolverint lapidem humano è corpore extractum, spiritus tamen nitri, qui non dissolvit varia corpora, quæ in oleo vitrioli dissolubilia comperi, in eum facile ageret: qua actione suam corrosivitatem perderet.

Prius hoc argumentum quam dimittam, non abs re forte fuerit duo huc spectantia indicare.

Cum itaque superius acida distinctè eorumque productiones nominassem, id non per inadvertentiam feci; ea enim in opinione sum, præternaturalia acida non tantum corpus male afficere quamdiu sensibilibus acida remanent, sed variis etiam in casibus variorum morborum causas esse posse, quorum à plerisque remedia esse probabiliter existimarentur: licet enim acidis virus quædam incidendi, resolvendi que inesse credatur: quo nomine oxymel, aliæque quædam acerosa Medicamenta præscribuntur ad viscosum phlegma incidendum, ut spiritus etiam urinæ eundem in scopum, atque ad dissolvendum sanguinis coagulum adhibetur: attamen ut hanc libens virtutem quibusdam in casibus acidis concedo: ita sæpe suspicari cogor obstructions, morbosque

eas obstinatas præsertim consequentes ab acidis existere posse quartanas fluida quædam coagulant quæ ad contrahendum ab ipsis spissitudinem disposita sunt: hac autem consistentia sit ut circumvehi cum sanguine per vasa minora nequeant, in quibus proinde obstructions producant: hoc autem declarabo exemplo coagulationis, quam feci ope salium acidorum, ut spiritus salis, & albuminis ovi, ad aqueam maximè consistentiam confusi. Atque ejusmodi etiam coagulatio efficit in lacte poterit: quod non tantum citò coagulari poterit spiritu salis, sed ut sat notum est, corporibus etiam non Chymicè præparatis, ut coagulo, succoque limoniorum: atque experimentis hunc in scopum factis ostensum est, si quædam acida in sanguinis massam immediatè conveherentur, eo in liquore ea esse coagulanda etiam tum, cum is in animalis adhuc viventis organis perseverat.

Alterum autem quod observandum erat, ita se habet, licet acida corpuscula quæ recentiores Medici, Chymicique noxia putant, tum sanguini, tum fixis corporis partibus; si tamen ventriculū exceperis paucasque alias partes adjaecentes, splenem puta pancreasque; ac quamvis quidam ingeniosi omnes ferè morbos malignis Acidorum effectibus ascribant, facillè tamen crediderim, varios morbos, molestaque Symptomata à quibusdam procedere corpusculis quæ sive salina sint naturæ, sive secus, ab acidis propriè dictis discrepant. Multa enim fortè corpora quasi resultarint ex combinatione acidorum aliis cum salinis particulis, quæ eorum naturam multum variant, atque immutant; alibi enim observavi, ex spiritu salis unà cum spiritu urinæ quoddam salis armoniaci genus esse constandum, spiritumque nitri cum sale tartari in aqua communi soluto coagulandum cum eo in sal petræ, aut corpus quoddam ei persimile: idem autem spiritus nitri, aut aqua, fortis cum spiritu urinæ aut sanguinis aut ejuscemodi quopiam, salem admodum fusibilem suppeditabit, à quovis ingredientium seorsim sumpto sat discrepantem: vulgò autem notum est oleum vitrioli, oleumque tartari per deliquium coalitione suâ producere tartarum vitriolatum, in quo prioris aciditas, ac posterioris alcalinitas multum infringuntur: tertium enim jam corpus existit, multum discrepans tum à priore, tum à posteriore oleo, aut potius salino liquore: cum itaque præter exempla ejuscemodi mecum ipse perpendo, quam varia corpusculorum genera, fertilissima parens natura produxerit, quæ etiam non acida insignes in sanguinem & quidem noxios fortiri effectus possint, in sanguinem, inquam, aut solidam quampiam corporis partem; non omnino abusu hile verò mihi videtur alias fortè requiri qualitates quibus mortificentur, aut enerventur morbifica corpuscula, quàm quæ acidis salibus contrariæ sint, ac proinde remedium quod corpuscula suppeditat particularibus hisce, noxiis corpusculis corrigendis aut enervandis idonea specificum dici merito debere.

Uterius autem hic considerandum venit, ut in corpore variaz coagulationes esse possint ex salinis corpusculis manifestè acidis factæ, ita aliz fortè productæ fuerint à corpusculis, sive sapore salinis, sive secus, quæ manifestè acida,

acida non sint, sed contrariæ potius naturæ, quod cum à Medicis considerata non soleat, magni licet meo quidem iudicio momenti sit, eo fortè accuratius probari deberet.

Curiositate interdum motus liquorem feci, sapore nec acidum, nec urinosum; cui, cum affudissem modicam distillati liquoris quantitatem, qui nec acidus, nec urinosus, nec lixiviatuſ erat, brevissimo is temporis spatio, non multis fortè minutis in corpus consistens adeò coagulabatur, ut licet lati orificii vas inverso deorsum orificio teneretur, nihil tamen efflueret.

In alio nondum in lucem edito Tractatu docui, si in solutionem quampiam, cujus faciendæ artem illic doceo, spiritum urinæ alteriusve volatilis alcali stillaveris, Gelatinam mox producendam, quæ consistentiâ & colore commune *amylum*, starch, linò rigefaciendo mox adhibendum referebat.

Similem Gelatinam, sed magis diaphanam feci, plus vice simplice, absque cujusquam subsidio quod fuerit sensibiliter aut acidum, aut urinosum.

Ut autem ingeniosos quosdam convincerem, non sine aliquo eorum stupore preparatam à me substantiam iis ostendi absque subsidio urinæ, aut salis cujusquam volatilis, atque interdum in ictu ferè oculi, quæ minutis paucissimis summe rectificatum inflammabilemque vinosum spiritum, bis terve se ipsâ ponderosiores solidam in massam coagularet.

Atque ut ostendam necesse non esse ut liquor multum, aut sensibiliter etiam acidus sit, quò animaleam substantiam coagulet, ut, quemadmodum superius observavi, spiritus salis albumen ovi coagulavit: addam hîc loci à Spiritu vini bene dephlegmato, idem omnino, & melius fortè efficiendum.

Propositio Tertia.

Specificum remedium, agrum interdum juvare poteris precipitando peccantem à sanguine aliòve humore corporis materiam.

Quamvis præcipitatio sæpe consequatur acidorum aut alcalium per corpuscula contraria mortificationem, de ea tamen agendum seorsum putavi: observavi enim quædam acida, alcaliaque conjungi posse quanquam nullam contrarietate sua præcipitationem producant; atque aliunde variæ existere præcipitationes possunt, in quibus ne vestigium quidem hostilitatis apparet, licet probe noverim multos ingeniosos viros, qui ex hoc effectu, sat superque argui putant, quòd hostilitas acidorum, atque alcalium illius causa sit: ac hoc supponi non debet, sed probari collateralibus experimentis, quæ ipsius hypothelîs veritatem, non supponant: verùm ut nostra ad exempla progrediamur, novi, atque alibi commemoro varios spiritus urinosos, quos absque ullo manifesto conflictu, aut præcipitatione acidis mensuris commiscere possem: at-

que ex alia parte acida, atque alcalia quæ mutuis suis reactionibus manifestum conflictum excitabunt, si competente proportionem commixta fuerint, coalitionem ex mixture, non præcipitationem fortientur: ut exemplis declarari poterit in quibusdam mixturis spiritus salis Ammoniaci (ex sale tartari aut cineribus clavicularis confecti) & spiritus nitri, aut aquæ fortis : atque etiam quociens spiritus urinæ, spiritusque salis, certâ quadam proportionem commixti coalescunt in corpuscula ex quibus sal ammoniacum conficiatur, quod liquorum illorum phlegmati innatat.

Sed ad propositum mihi scopum magis facit, quod præcipitationes esse queant; in quibus, quicquid quidam sibi fingant, nec tumultus nec contrarietas appareat; ut, cum argento in aqua forti soluto, menstruoque triginta, aut quadraginta partibus aquæ distillatæ, aut pluvialis diluto, si nitidæ ex cupro laminæ solutioni immergantur, præcipitabitur ex ea lentè admodum in formâ calcis metallum, in formâ, inquam, calcis metallicæ & salinis particulis simul incorporatis constantis, aut sub initium saltem in forma squamarum argenteorum fulgentium, instar candidarum splendentiumque quorundam pisciculorum squamarum.

Quadam pariter methodo à me effectum est ut aurum solutum circa corpus in solutione suspensum quiesceret, in forma selectæ profundiusque coloratæ calcis ex auro purissimo: sed *silentur*, ut ita loquar, præcipitationis facile videre poteris exemplum, si vel Romanum, vel Dantiscanum vitriolum affricare placuerit acutiori cultri laminæ, aquâ, aut spuro madefactæ: tum enim in istu ferè oculi laminam subrubra quædam substantia cooperiet, quæ tum colore, tum aliis è signis Cuprea omnino videtur: hic autem monendus es, non ex solutionibus tantum acidorum ope factis, ut vulgò putatur, corpora hunc in modum præcipitari posse: re enim diligentius examinatâ comperi quadam in natura esse præcipitantia, quæ *tacite* præcipitant quædam corpora in urinosi menstruis aliisque nequaquam acidis dissoluta.

Scio suspicari quempiam nec immeritò posse ejusmodi præcipitationes periculosas fore; heterogeneorum in sanguine corpusculorum productione, quæ præ pondere aut crassitudine evacuari facile nequeant, quam quidem suspicionem experientia melius diremerit: dici interim potest *primò*, licet quoddam ex ipsa præcipitatorum corpusculorum mole commodum oriri possit, hoc longè minus fore periculo ab actuosius nimium, hostilibusque particulis imminente, quæ morbum aut prodixerunt, aut auxerunt; *secundò* necesse non esse ut omnes concrectiones iis consentent corpusculis, quæ præ mole sua è sanguinis massa ejici nequeant: lapideam enim videmus materiam, quæ ex Chymicâ ejusdem analysi patet, composita admodum est, ad omnes corporis partes ferri posse: porro memini notam mihi fuisse Dominam quamdam cujus è lingue inferiore parte paulò antequam rem mihi narravit, extractus est lapis, jam Medici porro qui magnam mineralium aquarum quantitatem ferro imprægnatarum, quales comperi *Tunbrigianas*, præscribunt, aut sulphure imprægnatarum,

rum, quales *Bathonienses* quædam sunt, spei omnem restituendorum sanitati ægrotum inde maximè concipiunt, quòd minerales particulas in massam sanguinis, adeoque in intimas corporis partes devehì putent: dici *verisò* potest præcipitationes fieri posse ex rebus in sanguine contentis, ope remediorum quæ ad sanguinem non penetrant: Medici enim chalybem interdum crudum, æquè ac præparatum ministrant quo sanguinis acidoitates mortificentur, licèt metallina corpuscula, quantum quidem scimus, ad sanguinis massam non penetrant: in hæc enim, materia circulatione sanguinis in stomachum, visceraque ejecta agit: horum siquidem in ipsa operatio probabiliter concluditur ex nigredine excrementis communicatâ à chalybeatîs: si quis autem chalybem præparatum puta cum sulphure, viscerum per poros extremaque *capillarium* in ipsam sanguinis massam penetrare voluerit, tum meritò quis petierit eum natura præcipitata corpuscula iisdem meatibus expellere nequeat, per quos compositæ sulphuris ac metalli concreciones ingredi potuerunt. Dici *quaridò* poterit non immeritò, nec absque aliqua probabilitatis specie experienciâ jam, *præcipitantia* probata esse remedia: ut enim omittam, quod eruditus Sennertus indicare videtur, quibusdam in casibus morbum superari febrili materia ex corpore præcipitatâ: quidam Medicinæ Professor, qui licèt quibusdam ejusdem dogmatis assentiri nequeam, quædam sat insignia circa fermentationem, febresque tradidit: hic itaque Kergerus inquam disertis verbis mox referendis asserit * per 14 annos mille & plures febri correptos curâsse se absque venæ sectione, purgatione, sudorificis, &c. simplici remedio præcipitante de rei hujus veritate ex Germania certior fieri volui, sed frustra, comperi tantum quempiam Imperatoris Medicum in tractatu nuper edito profiteri propendere se ut id verum esse putet.

Edò facilius credidero magnas optatasque mutationes in fluidis corporis partibus contingere posse ope appropriatorum *præcipitantium*, si verum fuerit quod multis à Medicis unanimiter tradiitur, qui multos morbos sanguinis aliorumque corporis humorum putrefactioni ascribunt; licèt enim quibusdam de causis inducar ut te orei ne me quidpiam super remedio mox commemorando roges, quia tempus nondum est, ut hac super re tibi satisfaciam, historici tamen hic te docobo, quod fortè mirum existimabis, quamdam esse in rerum natura substantiam, quæ putrefactioni potenter adeò resistit, ut cùm, paucula ejusdem grana demissa fuissent in aquam, quæ omnino graveolebat

* "Ego ab anno 1649. in hunc diem per integros 14 annos ultra mille Febricitantes sine Venæ sectione. sine Purgatione, sine Sudorificis, sine Diutericis, sine Alterantibus, sine Corroborantibus, sine Topicis, & siquid præterea, unico ferè Medicamento præcipitante, Deo in primis benedicente, curavi; non considerando, an Febris sit intermittens, an continua, an tertiana vel quartana (quæ tamen difficilius curatur quàm aliæ) nec expectata coctio, nec, nec habito respectu sexus, (ne puerpetis quidem exceptis) ætatis, anni, temporis, vel aliarum circumstantiarum: & quidem paucorum dierum spatio sine recidiva vel aliquo notabili incommodo, nisi ubi æger ipse per incontinentiam de novo Paroxysmò provocavit. Kergerus de Ferment. sect. 3. cap. 3. pag. mibi. 250.

ac tam tetrum in modum, ut odorem, nisi unde scivissem, à cadaverè emanasse creditus fuisset, ut paucula, inquam, medici hujusce liquoris grana agitatione per terram hanc fœtidamque aquam diffusa, quæ oculo turbida non videbatur, ex ea præcipitaverint tenuem, levemque fœculentiam : qua separatâ residuus liquor omni fœtore liberatus est : neque ullum ipsa in fœculentia fœtorem percepi ; quod autem observatu dignum est, peracta hæc omnia sunt paucis omnino minus, cujusdam præcipitantis ope sapore nec amari, nec acidi, nec urinosi, ex quibus omnibus sagaciores rerum exploratores non inutilia documenta haurierint.

Propositio Quarta.

Interdum Specifica remedia operari possunt peculiari cordis roboratione, aut etiam sine hac aut unâ cum hac, partem affectam corroborando.

Vix hanc observationem sat demonstraverimus, nisi quidpiam dixerimus de difficultate quadam maximi momenti, quæ non paucos è recentioribus Medicis diu multumque vexavit : utrùm scilicet quædam existant medicamenta sympathica Capiti, Cordi, Jecori, &c. quæ proinde *Cephalica, Cardiacæ, & Hepatica*, &c. dici mereantur ; aut ut clariùs aliquantò mentem eloquar, utrùm quædam medicamenta peculiari modo huic illive particulari internæ corporis parti prosint. Partem affirmativam plerique per varia sæcula Medici, sed levibus, vereor, innixam fundamentis tenuerunt : ac plurimi jam, non tantùm negativam propugnant, sed desertam à se opinionem derident : quidam enim insultantes aiunt pertridiculum quid esse ejusmodi quampiam sympathiam mortuum inter medicamentum, partesque viventis corporis admittere : quasi famuli instar Medicus mitteret medicamentum ut partem male affectam à se velut in tenebris inventam bene & salubriter afficiat : ita tamen omnino censeo fieri posse ut medicamentum ad particularem quampiam partem hoc sensu pertineat, quod huic licet non soli, peculiari modo prosit, quod fortè ob quampiam rationum mox commemorandarum contigerit, ac primum cum mecum ipse perpendo fixas corporis partes, ut Cor, Cerebrum, Jecur, Renes, &c. peculiarem sibi habere structuram, quæ quævis pars ab alia discrepat, ac verò simillimum esse fluidarum etiam partium, ut felis, sanguinis, lymphæ, &c. distinctas esse texturas, contingere posse verosimiliter puto ut corpuscula remedia in stomacho dissoluta, atque huc, illucque liquorum corporis vehiculo circumlata, juxta determinatam figuram, molem, rigiditatem, aut flexibilitatem, motum, &c. apriora sint, quæ ab una parte corporis, puta cerebro, corde, &c. quàm ab aliis detineantur : quæ proinde dum in ejusdem potis commorantur, aut ejusdem fibræ sese associant, aut congruas quibus

quibus caret particulas subministrant, aut si his non careat, ejusmodi quæ roborato ejusdem, ut aiunt, Tono, ei beneficæ sint. Hac autem corroboratio fiet ut pars illa morbificæ materiæ actioni, aut hostilitati resistat, quam vulgò observant Medici à partibus vegetioribus ad debiliores deturbari: ut patet in iis qui podagra obnoxii multum sunt: in quibus vitiosi humores sæpe à nobilioribus partibus, si robustæ sunt, ad debilitatos frequenter articulos projiciuntur: hinc podagra, si res rectè geratur, ad vitam producendam conducere creditur: porro hic loci memini nolle me Medicum eruditum qui multum peregrinatus fuerat, quique proinde vario usus erat victu, peculiari aded Gingivarum laborasse infirmitate ut licet vina quæcunque moderatè bibere posset, aquæ tamen vinariæ potu, odontalgiam subito contraheret, qua de re aliquando mihi conquestus est. Sed hæc obiter: jam enim probandum, atque illustrandum est quod dicebam de aptitudine medicorum quorundam corpusculorum ad sui associationem cum corpusculis partis cui profutura sunt; quem in scopum intruimus quod in nutritione, lactentium præcipuè pusionum contingit: in iis enim unicum alimentum, puta lac, præter varia excrementa, ut crassiores viscerum fæces, ac magis fluidas vesicæ, oris & nasi, pororum cuticulæ, &c. magnam corpusculorum copiam suppeditat, quæ non tantum detinentur, sed assimilantur in super partibus variè contextis, & constructis, puta cerebro, cordi, ossibus, &c. cum alioquin tam copiosum ejusmodi partes alimentum recipere inde nequirent, ut eo ipsarum dimensiones crescerent. Considerandum pariter venit quasdam partes in passionibus Carriaginosi, osseas tempore evadere, quæ mutatio ad meram spectare exsiccationem probabiliter non videtur, ad exsiccationem, inquam, à nativo calore pro ætatis incremento productam.

Secundò amicæ specifiçi remedii corpuscula non tantum confirmare poterunt partis cuiuspiam determinatæ valetudinem, sed etiam, quod ad rem præsentem magis facit, sanitati restituere eandem pristinæ poterunt, duabus, tribusve de causis.

Primo enim amicæ particule obstruentem, aliamve morbificam materiam ita modificare poterunt, ut facilius, tutiusque ejiciatur quod quidem præstant, non tantum ut sanguinis massam imprægnant, atque ita ab eo ad varias alias partes circumferri possunt, sed peculiari etiam textura, motu, &c. peculiari modo respicere poterunt peculiarem illam modificationem, quam vitiosa materia ex sua in hac vel illa determinatâ parte commoratione contraxerit: quod autem diversæ affectæ partis structura naturam *Materia Morbificæ* variare possit, inde inter alia colligo quod docere soleant Medici, licet observationem hanc non semper veram compererim, petrescentem calculo laborantium materiam in renibus esse subrubram, ac flavam, sed in vesica albam, aut albo-cineritiam, lapillosque in partibus prius commemoratis generatos friabilioris, leviorisque esse texture, quam sint lapilli in vesicâ generati: quorum quidam admodum duri sunt, si præsertim comparatio instituitur cum latioribus,

bus, quos habui, ex felle, aut vesica robustorum animalium extractis. Cum itaque *Specifici* corpuscula, sanguinem, aliudve quodvis vehiculum disponere queant ad operandum instar, menstrui appropriati in materiam peculiariter modificatam, quæ obstruit, aut malè afficit Jecur, exempli gratia, conflatum ex iis remedium parti illi perurile fortè futurum fuerit, dum morbosicam materiam ad expulsionem parat: sed eandem partem, alio etiam modo juvare poterit. Ita enim agere poterit in fibras, stabileque partis affectæ portiones, ut vires inde trahat quibus excitata suum ejicere hostem possit. Firmitatem enim, seu quæque fibris communicare poterit: ejusdem quoque immoderatam, seu caliditatem, seu frigiditatem contemperare poterit.

Acidum, aliasve incongruas particulas in minutis partium stabilium intervallis, atque in ipsis etiam fibrarum poris fortè mortificabit: fortè etiam convulsiones, spasmos, aliosque inordinatos motus, qui prohibent ne agat, vimque suam exerceat, compescere poterit: relaxare poterit, aut dilatare poros juxta operis faciendi exigentiam. Cum itaque hunc ferè in modum corpusculorum benignorum ope materiam expellendam præparaverit, partemque ipsam, ad eam expellendam disposuerit, partem tunc excitare poterit, suum ut ipsa officium obeat, irritatione fibrarum, aut organorum. movementum, aut eorum stimulatione ad exonerationem materiæ peccantis. Ut exigua Cantharidum dosis irritatione, vi, sed non turo urinam è vesicâ ejicit, ac simul arenam, seu minores calculos, excrementitiumque limum prius ipsi molestum.

Hocque exemplo confutamus illud quod tantâ fiducia proponebatur ab iis qui remedia specifica rejiciunt: hic enim medicamentum habemus quamvis periculosum cuius corpuscula peculiari adedò modo ad vesicam spectant, organaque urinaria, ut licet sanguinis massæ commixta, ab eo ad alias etiam partes corporis indiscriminatim ferantur, cæteris tamen illæis, vesicam admodum irritent, determinantque ad ejus quod continet, excretionem: cum autem obijci possit, primum trium modorum, quibus animadvertimus particulari parti opem à *Specifico* ferri posse, secundo contrarium videri, primus enim partis corroboracionem spectat, secundus relaxationem, atque irritationem, duo omnino respondeo, quæ primò quidem cum pars interdum esse possit unnaturalis, interdum in statu præternaturali, in *priori* remedium mereri posse interdum nomen *benigni*; atque *appropriati* quia servat eam sanam, quod roboracione maxime fit; atque in posteriori mereri posse appellationem *Specifici*, quia ad pristinam ei restituendam sanitatem juvat.

Respondeo secundo, quamvis quod sanitas recuperetur, sæpe multum expediat, atque etiam interdum necessarium sit, ut medicamentum materiam, partem lædentem evacuet, hanc tamen evacuationem sæpe multum ipsa partis corroboracione promoveri, hinc enim fit, ut ipsa se exonerare queat, idem porro medicamentum continere poterit, ac communicare sanguini corpuscula discrepantia adedò quoad figuram, molem, motum, &c. ut utroque modo successive juvari pars ac restitui sanitati possit: ut animadvertunt Medici Rha-

barbarum

barbarum non tenuioribus tantum partibus purgare jecur, & bilem, sed magis terrestribus corpusculis, & astringentibus illius partis. Tunc roborare: [quid præterea ad illustrationem hujus rei pertineat suo loco occurrer] non abs re fuerit hic addere quibusdam in casibus hanc ipsam corroboracionem partis minus sanæ restituere eandem pristina sanitati posse, cùm quidam morbi ferè semper sint, ut, ita loquar, in fieri; hoc est diu in parte affectâ subsistere nequeant, nisi ob debilitatem ejusdem, & quæ inde sequuntur; novam subinde vitiosam admitteret materiam, quæ fovetur, aliturque morbus: in ejusmodi autem morbis, si structura, tonusve partis, *specifici* operatione restituti fuerint, acquisitus ejusdem vigor novæ peccantis materiæ ingressum prohibebit, quam in massam sanguinis impeller, ut inde communibus corporis meatibus expellatur: dum natura interim paulatim subdere, aut dissipare, vel alium in usum convertere poterit minorem illam peccantis materiæ portionem, quæ in parte ægra desidebat.

Nullum hoc in Tractatu exemplum dedimus, quo ostenderemus quæ *specificum* remedium ad determinatam partem ægram specialiter aded spectet, ut quis vix crederet ponderosam lapideamque substantiam interiùs sumptam ad curationem fracti in crure, inanive ossis non parum profuturam: atque ut testimonia Chymicorum præteream, memini Medicum Germanum insignibus curationibus celebrem, mira mihi referre de efficacia lapidis in patria ipsius crescentis quem ab effectu *Osteocollæ* dicunt: maxime si peritè præparetur, cujus præparandi modum mihi ostendit, sed experiri non licuit: ac absque ulla præparatione expertus admodum Chyrurgus *Fabricius Hildanus* multum ex propria observatione commendat unicam ipsius drachmam optimè pulveratam ad generationem calli quo fracti ossis partes copulentur: aded ut moneat juniores, vegetioresque lætos eo pulvere parce, ac caute uti debere ne callum nimium generet, cujus rei insigne exemplum affert: quod pariter ipsa me experientia docuit, docente eodem Medico Germano, quia aliter, dixit, ipsius præparatione fieret, ut in ejusmodi hominibus *remedium* generaret callum, & nimium cito, & nimium magnum.

Propositio Quinta.

Interdum Remedium Specificum operari poterit producendo in sanguinis massam dispositionem, quâ possit natura corrigendò, expellendò, aliove idoneis modis, morbosam materiam, aliamve morbi causam superare.

Qui attentè observavit praxim variorum Doctorum, quique magno cum successu Medicinam exercent, Medicorum, facile animadvertet plerasque ipsorum præscriptiones hac niti suppositione, quod plerique humani cor-

D. poris

potis morbi, sanitatisque recuperatio, à viciata sanguinis constitutione, ejusdemque pristino statui restitutione pendeat.

Periculis hæc sanguinis mutatio à *specifico* multis effici modis potest, interdum *separatim*, *conjunctim* interdum, ac præcipue sequentibus.

1. Subministrando sanguinis activa quædam corpuscula, ut non necesse sit medicamentum eam *fermentare*, aut utilem in eo commotionem excitare.

Non hic examinabo utrum massa sanguinis intra vasa hominis viventis contenta, capax necne sit fermentationis propriæ dictæ.

Quare adhibui etiam vocem, *tumultuationem*, seu *commotionem*, aut *agitationem*, quæ voces facile admittentur, si alia minus probetur: sed quia *fermentatio* jam inter loquendum *invaluit*, ea voce his præmissis absque scrupulo utar.

Sed quia non pauci recentiores Medici, maxime ex quo doctrina Villisi increscere cepit, febres tum continuas tum intermittentes positas esse in vitiosis sanguinis *fermentationibus*, atque ab iisdem productas censent, ideo *fermentationi* de qua locuturus sum, quasi distinctivum hoc epithetum, *utilem*, addendum putavi.

Hoc præmissis non absimile vero mihi videtur, ut vitiosa sæpe est sanguinis *fermentatio*, ita interdum quendam *fermentationis* defectum esse posse, aut quandam tarditatem, quæ vel tollit celerem intestinam agitationem rei fluidæ calidæ hujuscemodi propriam, cujusmodi in sanis reperitur, aut debiram percor circulationem, quam sanguinis pigritiam si pertinax, ac diuturna, varii consequuntur morbi: jam quamvis varia medicamenta sint, puta, aromata, aqua vinaria, alique spirituosus liquores à fermentatis vegetabilibus distillati, quæ plerumque, & sæpe magno cum successu ad accelerandum sanguinis motum adhibentur: quia tamen calida admodum sunt, propterea enim à Medicis eliguntur, ob varia ægotantium temperamenta, variasque alias circumstantias periculosa sunt, plusque damni immoderato suo calore inferre possunt, quam commodi suâ spirituositate: præterquam quodd sanguinis tarditas oriri possit interdum à causis, quas calida hæc medicamenta non corrigent: memini, cum experimenti gratiâ moderatè exsiccassem particulam sanguinis humani, vinoso spiritu penitus inflammabili per varias saltem horas, quibus experimentum duravit, ipsius solutionem fieri non potuisse, aut rubram clici tincturam licet optimè pulverata foret. Cum tamen spiritus vinosus optimè rectificatus rubicundus ex eâ evaserit vigesima, & infra, illius temporis parte.

Jam remedium specificum abundare poterit corpusculis ejusmodi, ut sanguine neque moleste, neque periculosè calefacto, debilitare possint, ac frangere corpuscula in sanguine obvia, quæ liquorem reddunt viscosum, ac lentum, atque insipidum spirituumque expertem, atque sanguinis etiam massam, ut ita loquar, *fermentare*, celerique, & amica ejusdem agitatione efficere ut heterogeneas illas partes aut recrementa eidem prius commixta ejiciat, per-

mētēque, eā, quā debet, libertate vifcera, quorum capillaria vafa, pōitque, vix omnino aut certe paratē admodum eum adnitebant.

Quōd fpecificum id praeftare poffit, ed fortē facilius concefferis, fi animadvertas à plerisque Medicorum doceri, varia eſſe *Cardiaca*, quorum quardam temperata dicunt, quardam frigida: ut reipſa corpus, fi omnino, certē non fenſibiliter calefaciunt, ut uniones, quardam jucunda acida, quae proinde refrigerare potiùs corpus debent, ut oxylapathum, alleluja, ruta Caprina, Galega: fierique omnino poteſt, ut corpufcula quibus ſanguis condenſatur, tardiusque redditur, non ſint frigida, ſed calidæ naturæ, quorum proinde operationes, calida remedia juvent potiùs, quàm deſtruant: ut ſi albumini ovi agitatione in aquam reducto, quod neceſſarium non eſt ad experimentum, ſed melius illud oſtendit, certam quantitatem ſpiritûs vini bene dephlegmati addideris, non modò viſcoſitatem liquoris non, deſtrueri, ſed magnam illius partem coagulari, bir, corpufque longē magis à tenuitate, & fluiditate remotum produceret.

Memini, me interdum, experimenti gratiā facere vegetabilem liquorem, qui, aliquatenus priùs tardus cū eſſet, additione ſpiritûs vini mirum in modum viſcoſus evalit.

2. *Specificum* maſſæ ſanguinis prodeſſe etiam poterit eam dilatando, aut attenuando: ſecundum hic modus primo multum affinis eſt, non tamen idem: in iſto enim fermentationis ſanguinis, ſeu agitationis præcipua habebatur ratio, cū hic ejuſdem conſiſtentiam tantum reſpiciat: quæ quidem magni ad ſanitatē momenti eſt, ſi enim ſpiſſior ſit, ut ſæpe eſt, ſanguis, non tam libere, facileque, ut debet, per vaſa Capillaria tranſibit, quæ hinc paulatim obſtruantur, circulatioque hinc magno incommodo retardatur: unde magna ſequuntur incommoda: ex altera parte, ſi tenuis nimium ſanguis ſit, præſertim ſi nimium etiam agitur, ex vaſis facile effluet, Hæmorrhagiæque gignet, ſi è corpore fluat, alioſque malignos effectus extravationem ſanguinis comitari ſolitos, qui liquor cū extra propriâ vaſa in calido humano corpore exiſtit, facile putreſcit, unde Apoſtemata, variaque alia moleſtiſſima ſymptomata, oriuntur.

Jam *Specificum* remedium vitioſam hanc ſanguinis conſiſtentiam corrigere poteſt, dum ea ſubmiſtrat corpufcula, quæ figura, mole, motu, &c. vitioſa ſanguinem incrāſſantia ſuperare, atque attenuare poſſint, aut certē ſcindere ac dividere partes ipſius ſanguinis quæ hinc ad majorem fluiditatem diſponantur: vel certē ejuſmodi in eo poros producere poterunt, quibus ſubtilis æthereæ materia qua Atmosphæra abundat, ſeſe in maſſam ſanguinis inſinuet, eamque rarefaciat: cū autem ſanguis tenuis nimium eſt, cujuſmodi ſit non tantum à quibuſdam morbis, ſed etiam à quibuſdam medicamentis, *aloc* maxime, *ſpecificum* ad laudabilem eam conſiſtentiam reducere poterit, aut ſuppledendo ei corpufcula quæ facile complicantur ætuoſis ſanguinem nimis attenuantibus, aut juvando naturam ad expulſionem ipſa tranſpiratione, aut alia quopiam non moleſto modo, particularum illarum nimis activarum.

D 2

3. Tertio

23. Tertio quoque modo conducere specificum poterit ad sanguinem pristino statui restituendum : si nempe operatione specifici in cor ipsum, sanguinem illud per se transmittere majore microscopi commodo possit : quod remedium specificum peculiariter huic illi parti prodesse queat, adeoque etiam cordi perique Medicorum concedunt, qui cardiacorum, quorum, vereor, perpauca hanc appellationem merentur, Catalogum conscribere solent : at cum alibi hoc in Tractatu ostensum sit quoddam medicamentum peculiariter respicere posse determinatam corporis partem, adeoque etiam cor, admittere quis poterit corpusculis *specificis* aut dissolvi quasdam particulas in corde obvias, quibus nobile illud *visum* irritatione, aut aliter impeditur ne regulariter dilatesse, contrahique ; aut corroborari adeo fibras, motivaque ejusdem organa ut ad moderandam sanguinis transeuntis circulationem disponatur, moderandam, inquam, modo optimo : quodd autem dispositio cordis etiam cum nullo ejus sensu homines afficiuntur, magni tum quoad valetudinem, tum quoad invalecudinem momenti esse possit, facile is crediderit qui secum perpendit, *primo* corpus humanum non esse morum aggregatum ex osse, carne, &c. sed exquisitè fabricatam machinam, valde sensitivam cujus partes sæpe ciuntur à propriis, sed minutis admodum agentibus, quæ mutua in se invicem reactione majora præstare queunt quàm quæ à merâ agentium primo movementi energis expectari poterant : *secundo*, quod prium supponit, dispositionem cordis mutatam licet fortè insensibiliter insignem producere alterationem posse in motibus sanguinis, inque ipsius per cor transitu, quoad quantitatem, celeritatem, aut utramque : quantum hæc mutatio circulationis sæpe faciat ad sanitatem aut ægritudinem elucescere poterit ex effectibus vehementium ac renacium mentis passionum, ut observamus quando magnus opprimit dolor, quocordis meatus quasi angustiores fiunt, cum sanguis nimium parçè distribuatur, fermentantes spiritus sat magnâ copîâ non generari : ac præter perniciosos alios hujuscæ stardis cordis effectus, adeo spirituum expertis sanguis fit, ut in his Europæ oris ad *scorbutum* disponatur, quo vel produciuntur, vel irritantur varii alii morbi : observamus quoque *pudore* sæpe mutari subito sanguinem, tumefieri que in exiguâ sub cuticulâ faciei, aliarumque etiam interdum partium valis ; ut pater in virginibus, aliisque delicatioris constitutionis in quibus pars faciei alba pudore rubescit : non absimile quid à magno subitoque gaudio profectum vidi : quamvis autem dolor, quæ apposita ipsi passio est, appetentiam percinere vulgò pateat, rectè tamen regularâ sanguinis transmissione, in multis sæpe factum est, arque insigne ejusdem rei exemplum ipse vidi, ut gaudium famem multum imminuerit : cujus quidem effectus causam ingeniosè, *Cariesius* derivare conatur à variis dilatationibus, moribusque cordis : nimè autem absurdum videtur admittere ejusmodi motus oriri posse à corpusculis remediî specifici, quæ afficiendo fibras cordis, eo modo quo gaudium solet profectas à jucundis gratisque passionibus dilatationes, ac contractiones *gignere* possunt : in cujus rei confirmationem addam primariam quamdam *firmam*

minam mihi notam conquestam mihi esse, quòd odore Chirothecarum odoratum sanguis in faciem assurgeret, diùque illic, quasi aut pudore, aut gaudio perfunderetur, remaneret. Atque idem prorsus in aliis lèxus sui observasse se dixit: sed cùm alio in Tractatu ostenderim quì passionès mentis corporis statim mutare queant, mutato variè sanguine qui per cor transmittitur: ex dictis fat verosimile sit remedium specificum peculiari cordis corroboracione introducere posse, aut restituere sanam sanguini *Crasim*: qui jam rectificatus, & factus hunc in modum vegetus, & corpori opitulari poterit, & conferre ad particularium morborum expulsionem, roborando, atque fortè etiam excitando particularem partem, in qua peccans materia residet, ut domet eam quæ illuc jam confluit, atque ulteriori accessioni resutat: sanguine itaque ipso bene constituto, æque atque stabilibus partibus corroboratis, specificum Remedium horum effectuum causa, dici poterit curare, licet lentè, varios particulares morbos: cujusmodi ii sunt quos alibi hoc in Tractatu commemoravi, qui ut durent frequentissimum vitiole materię supplementum à sanguine circulante recipiant, necesse est.

Propositio Sexta.

Interdum Specificum unire poterit particulas suas cum particulis peccantis materia cum iisque constituere neutrum quid, quod facile proscribi poterit, aut quod non necessario expellendum est.

HOc maximè proprio genuinoque modo specificum quà tale prodest, quia in hac operatione effectus producitur, aut absque auxilio, aut suprameram qualitarum, ut loquuntur Medici, manifestarum potestatem, qualitarum, inquam, manifestarum remedii: curatio insuper ægri plerumque absque ullo ægri incommodo contingit.

Hic operandi modus, *Specifici*, affinis multum est uni, alterive priùs commemoratorum, ita tamen modi quibusdam discrepant ut colligere licet ex sequela paragraphi hujus dissertationis.

Interdum cùm acidum quoddam sanguinem imprægnavit, seque ipsum in stabili quadam parte statuit, ut Jecore, Splene, Renibus, &c. corpuscula *Specifici* possunt absque sensibili ulla colluctatione, aut conflictu, qui plerumque contingit cùm acida sapidis ab alcaliis mortificantur, ita combinari ut simul cum exiguis peccantibus acidi partibus coalescant, cum iisque parvas concreciones constituant, quæ, quòd differant à minutis acidi partibus, motu, figura, soliditate, rigiditate, aut uno, pluribusve ex his, modo, alterius omnino naturæ esse poterunt, quàm acidum, priùs quàm corrigeretur, fuit: hujus rei insigne

gne exemplum illud est, quod alibi de ipsa aqua forti observavi: quantum vis enim corrosivum menstruum sit, id tamen digerendo, atque forte etiam destillando cum æquali aut duplo pondere ardentis spiritus, comperi liquorem hunc summè acidum ita mutatum ut sensibilem nullam corrosivitatem retineret, acutissimus itaque ipsius factor, summaque aciditas non tantum mutabatur in odorem non gravem, sed & gratum: quidquod gustui etiam dulcis foret: hinc occurrit mihi praxis quædam Præsidis celeberrimi Collegii Londinensis, qui, ut ipse mihi dixit; ægrum magnæ notæ Nephriticis doloribus liberare solebat, præscripta ei sat magnâ spiritus inflammabilis dosi: sed hoc obiter.

Alibi ostendi quid possit vini spiritus in varia alia acida menstrua, quibus eum immiscui, digestique: unde constet non eum in eadem uniformiter agere, ut omnia sunt acida, sed sat diversis modis juxta naturam, proportionemque acidorum corpusculorum quibus vinosi spiritus associantur.

Vt autem patefiat hanc mutationem, contemperatoremque Mercurii à spiritu vini, produci potius à peculiari convenientium utriusque corpusculorum aptitudine, quam inimicitia vinosi spiritus, quem recentiores quidam caliali annuerant, in aquam fortem ut acidam, addam hîc loci purum vini spiritum debita proportionem summè rectificata urinæ spiritui immixtum, quem volatilibus alcaliis Chymici ascribunt; cuiusque vel guttula linguam adurit, aut tumefacit, hunc, inquam, spiritum aio urinosi spiritus aciem obtusum, cum quo sal componer spiritum ipso longè moderatius quoddam sublimatum, aut quoddam præstat adhuc, sed factu difficilius est, in liquorem reductum suppeditat utile adversus varios morbos, febresque medicamentum, paululumque immutatum, magnæ utilitatis variis in Chymicis experimentis *menstruum*.

Pauca grana viri Antimonii absque additione facta sumpta interius, vehementer emetica sunt, & Cathartica: sed quamvis vinum, nihil prohibente copioso ejusdem spiritu, si bene imprægnatum fuerit corpusculis hujus virri, superne, inferneque violenter sat purget, spiritus tamen aceti ex vino scilicet degeneri, si competenti tempore digeratur super vitrum hoc optimè pulveratum, cumque liquor sat imprægnatus est particulis vitri, si ab eo abstrahatur, ab antimonialibus acetosisque corpusculis minutæ plurimæ concretiones emergent, quarum multa esse grana queant, absque ulla supernâ infernave purgatione: unde quis concipiat utilem omnem à medicamentis mortificationem ab acidis non oriri: cum ipsa etiam acida, ut patet, corrigant: ac quâpiam fortè ejusmodi combinatione contigerit, ut quædam venena [neque enim uniformem eorum omnium operationem, aut constantem in cor imperum puto] domari possint.

Atque ob hanc fortè causam non minùs probabiliter quàm ob ullam aliam fuerit, quoddam quis à teo, pîone ictus curati possit contrito hoc animali super vulnus, ut multi Medici præscribunt, urque quidam tibi notus expertum se esse dixit in se ipso, aliisque quidam in milite, felici successu: cùmque mecum ipse perpendo quàm variæ, multiplicisque Corpusculis adaptari queant figuræ

ex quibus fiant aggregata ab ambabus partibus componentibus valde discrepantia: vix vero absumile puteim in ægri corpore, corpusculorum peccantis materiæ, ac remedii tam utiles existere posse combinationes, ut inde concretiones innocuæ, sin minus beneficæ, existere queant.

Si per orium liceret, atque expedite iudicaret, plura addere possem exempla mutationum, colorum, odorum, saporum, aliarumque qualitarum quæ ex minoris discrepantium corporum partibus oriuntur, facile, inquam, plura possem addere exempla, & differere de eo quod coalitiones ejusdemmodi consequitur; cum autem id sibi præstiterim, hæc magis è re fuerit indicare, cum particula peccantis materiæ *remedii specifici* particulæ associatur, combinatione eam in melius mutari posse, non figurâ tantum & magnitudine mutatis, sed adancta etiam, aut imminuta ejusdem rigiditate, unde de novo ipsius motus modificetur: ut ex qualicumque demum ad ea quæ ex corporum coalitionibus naturaliter consequuntur, attentione judicabis: addamque quasi ex *abundanti*, concretionculas unione materiæ morbificæ cum corpusculis Medicis factas non tantum evadere posse innocuas, sed aliquando etiam beneficas: quod illustrari potest ex ulteriori sublinari communis præparatione: quamvis enim hæc substantia sit summè corrosiva, adeoque violenta ut paucis ipsius granis interimi quispiam possit.

Facto tamen ejusdem conjugio cum minore etiam Mercurii pondere, qui corpus & insipidum, & inodorum est, corrosivum sublimatum alteratum aded fuerit, domitumque, ut vertatur in id quod Chymici, quia acumine caret *Mercurium dulcem* vocant, qui si rectè præparetur, atque ad multa etiam grana detur, non tantum innocuum quid plerumque est, sed optimum remedium, idque sæpius quam Medici fortè norint.

Commemorata mox ratio probabile nobis argumentum suppeditare poterit, quo ostendamus, nihil prohibentibus *Specifici* digestionibus, mutationibusque, quas in transitu pati potest, salutare id posse esse remedium, cum ad partem curandam accesserit: licet enim remedii corpuscula in suo ad partem affectam itinere multum mutarentur, fieri tamen poterit, ut alterata hæc corpuscula, vel hac ipsa alteratione Medica evadant: cum his etiam mutationibus apta fieri possint, cum ad partem affectam pervenerint, ut rectè combinentur cum quibusdam corpusculis sive materiæ morbificæ, sive aliis, quæ illic reperiunt, cum iisque componant novas concretiones quæ novæ jam sint indolis, ægrorum amicæ: huic quidpiam analogicum observare licet in *Asparago*, qui manducatus varias subministrat particulas, quæ commixtæ particulis renum, aut vesicæ novum odorem produciunt, admodum diversum tum ab odore urinæ, tum ab odore ipsius plantæ: ita si Terebinthina selecta intersus sumatur, miscet in renibus, & vesicâ minutas suas partes cum partibus illic obviis, unde emergent corpuscula urinam imprægnantia odore admodum diverso ab eo qui ad utramvis horum liquorum spectat, cum violarum instar fragrantiam sæpe spirat.

Prinsquam

Præquam huic Tractatui finem imponam, non inutile fortè fuetit mentionem facere difficultatis quæ, scio, obijci poterit sin minùs contra præteritam dissertationem, certè quâ infringi videretur vis ejus, proportiòque, cum scopo, mihi hoc in opere proposita: dici enim poterit, cùm argumenta mea, explicationeque supponant *Remedia Specifica* interiùs sumi, constat tamen à specificorum assertoribus, specificis connumerari quædam quæ per os in corpus non inmittuntur, sed exteriùs tantùm applicantur, aut superficie tenus tantùm tangunt, ut patet in *amuleis, annulis, &c.* ad diluendam hanc magni momenti difficultatem, varia, memini, alio in Tractatu dixi.

Non abs re tamen fuerit, pauca quædam etiam hîc respondere: notandum, ideo præsertim non paucos Medicos rejicere, & quosdam etiam deridere *externa specifica*, si ita loqui liceat, quodd primò pars medicamenti, nam de massa ipsa constat, in corpus penetrare nequeat, quodd secundò quamvis tenuior *specifici* pars fortè introducatur, ea nimilùm minuta sit, quàm ut producat in corpore ejusmodi mutationes, cujusmodi ad peccantium humorum expulsionem, morbumque superandum requiruntur.

Quod ad priorem rationem attinet sat multis alio in Tractatu ostendi †, hominis cutem, licet integrum, continuumque corpus videatur re ipsa esse magnâ pororum multitudine perforatum, quorum multi in alvis etiam mortuorum animalium conspicui sunt, aliique manifestè deducuntur ex guttulis innumeris cutem totam, erumpente primùm sudore, cooperientibus: quodd autem his poris introritti possint subtiliores particulæ remediorum exteriùs adhibitorum variis è phænomenis, cujusmodi hæc sunt, elucescere queunt: aqua penetrabit poros selectæ vesicæ, dissolverque salem tartari, aut saccharum candidum inibi contentum: liquorem quemdam præparavi, cujus licet calore non agitati vapores celeriter penetrarent variâs mortuorum animalium membranas, manifesteque agerent in corpora metallica his involuta.

Lippis etiam, ac Tonsoribus notum est Mercurium, seu argentum vivum exteriùs in unguentis cingulisque applicatum per cutis poros sese introducturum, invasurumque internas corporis partes, ibique diutius interdum remanere. & operari violentiùs quàm Medicus velit: introrissa autem semel *specifici* corpuscula in interiores corporis partes, facildè quis conceperit, qui ulterius procedere queant: sub cuticulâ enim aut prope plurima sunt capillaria vasa, ut vix hîc aviculam vasè quopiam non perforato inhîgere possis: ut patet exiguâ sanguinis guttâ quæ ex factò recens foramine quantumvis parvo effluet: cui exemplo, alia multa si opus foret addere possem, capillarium vasorum multitudinis, & propagationis sub superficie cutis, quæ pleraque sanguinem, licet eorum nonnulla alios etiam succos vehere queant, suæque exonerare recrementa aut sudore aut insensibili transpiratione per poros cutaneos: cùm itaque capillaria hæc vasa quantumvis parva suas habeant cavitates continuatas vasis, quorum minores adhuc sunt cavitates, hisque mediis cum vasis quorum majores sunt cavitates,

† Tentamen porosificatis corporum.

cavitates, quæ maximorum vasorum rami sunt, corpuscula medicamenti in capillaria vasa semel introducta, facili transitu ope liquorum quos continent, in majores præcipuarum venarum ramos insinuare sese poterunt, atque ita vi circulationis, massæ sanguinis commisceri, ejusque vehiculo faciliè conveyi ad omnes corporis partes: ut sæpe observatum est. † Amulera Arsenicalia super pectus gestata licèt vix carnem refrigerint, magnâ cor intemperie disturbârunt, noxiâque alia aliis partibus symptomata pepererunt: atque ab insignibus etiam auctoribus commemoratum reperio, Cantharides, manu atque interdum etiam in perâ gestatas, noxia sua effluvia ad vesicam usque transmittere, in qua magnum dolorem excitent, aliâque inducant symptomata. Quod ad alteram rationem attinet, ob quam *Specificæ* rejiciuntur, quodd scilicet effluviis tantùm in corpus penetrare queant, quibus interno superando morbo pænelle vis non videtur: hanc difficultatem hunc in modum diluo.

1. Corpuscula ab exteriori medicamento in corpus intromissa plura fortè, quàm proinde valentia fuerint, quàm homines sibi persuadeant: quod probabile sit ex magna multitudine odoratarum, adeoque sensibilibium expirationum, continuè, diuque ab ambrâ griseâ, moscho, felle odorato, multoque adhuc magis à mixtis ex arte factis emissarum: quodd autem subtilia effluvia etiam absque caloris ope celeriter possint penetrare membranas tantâ copiâ ut agent in corpora stabilia iisdem cooperta, paulò superiùs insinuavi, factoque experimento pluribus ingeniosis viris ostendi.

2. Corpuscula medicamenti suam retinere naturam poterunt, operandi facultate non amissâ licèt per cutem quasi filtrantur, ut ex Mercurio colligi potest, quem superiùs diximus repertum in formâ argenti vivi in corporibus quorundam qui nimium sæpe Mercurio inuncti fuerant, Mercurio, inquam, in unguentum aliis cum unctuosius reducto, quo quidem æger tam violentam, tamque diuturnam pari salivationem poterit, quàm si bolos ex Mercurio deglutivisset. Sæpe etiam observavi, quod haud dubiè sæpius ab aliis observatum est, exiguo opio aliis Emplastrorum ingredientibus mixto, exterius applicato acuros interiorum partium dolores esse ablatos, licèt sat ab Emplastro remotorum.

3. Corpuscula autem *Specifici* sæpe violentiùs agere possunt intromissa per cutem, quàm si medicamentum è quo effluunt, interiùs sumptum fuisset, quia si per os sumptum fuisset, particulae dividi potuissent, aut etiam fortè ob dilutionem, siquæ cum aliis Chyli particulis combinationem, multùm alterari, fermento, aut menstruò stomachi, earundem per viscera filtratione, longoque ac sinuoso per eadem, lymphæque ductus transitu, priùsqum ad cor pervenerint, ut cum sanguine misceantur: cum corpuscula externi *specifici*, ubi cutem prætergressa fuerint Capillaria statim sub eadem sanguinis vasa subeant, eorumque ope mox immisceantur sanguini circulanti, unde non parientur eas alterationes,

E

rationes,

† Vide fusè de hac re differentem doctissimum Diemerbroek de peste, lib. 2. c. 12. in Annotat.

terationes, quas alia medicamenta, priusquam sanguini consocientur, pari necesse est.

Vnde pater errare omnino vos Medicos qui putant partes tantum quas immediate tangit, curare posse, quod existiment ejusdem corpuscula ultra partem corporis medicamento vicinam non progredi: quæ quidem argumentatio licet veniam mereretur, cum sanguinis circulatio nondum esset detecta, at cum jam sanguinis circulatio, intercurfusque inter distantes corporis partes, innoverint, argumentum ad rem nihil facit.

Hic autem admonebo cujuspiam, quod nusquam memini me legere, corpora scilicet exterius applicata esse interdum quorundam morborum *specificæ* remedia, adversus quos nihil posse quis judicaret ex eorum interiorum sumptuum effectibus: ita Camphora deglutita, seu pauca tantum ejusdem grana sanguinem admodum calefaciunt, commendantur etiam à Medicis nec immerito adversus malignas quasdam febres: Camphora tamen exterius applicata faciei rubedinem tollit, quæ à calore sanguinis oriri creditur, adhibeturque in urgentis contra adustiones. Ita spiritus vini, qui dum potatur, tam calidus est, optimum ad extinguendum adustionum ardorem remedium est, maxime si pars mature eo irroretur: panis, tam moderatum, temperatumque alimentum, cum manducatur, masticatus tamen exteriorisque applicatus varios adversus morbos plurimum valet: atque senem, periturumque Medicum novi qui infantes non facile quidpiam deglutientes purgare solet quopiam ipsorum umbilicis applicato, quod iis neque colore, neque odore, neque tormine offendiculo sit: idque ut ipse mihi non semel confessus est, usuratum quodpiam alimentum est, quo ipse, ut & alii plerique, haud præparato utor sapienter. Quid foret ipse mihi indicavit, sed nondum id experiri mihi licuit.

Ut quod dicebamus de possibili externorum specificorum efficaciam minus improbabile videatur, non abs re fuerit observationes quasdam indicare nostræ doctrinæ admodum congruas: quamvis autem quæ offerenda sunt; non omnia *specificorum* appellationem mereantur, attamen præterquam quod eorum quædam hoc fortè nomen merebuntur, ostendent omnia simplicia medicamenta exterius applicata adversus internos corporis morbos plurimum valere posse.

Externa specificæ quamplurima Medicorum è libris commemorare possem: nulla tamen recensebo, quod ut quid sentiam ingenuè dicam, quæ traduntur ab his remedia licet multum collaudata, ab ipsis tamen laudatoribus parum fuerint examinata: sæpèque impræsentiarum fuerit pauca quædam afferre exempla aut propria, aut amicorum experientiâ mihi nota. Unica tantum Galeni observatio, quam solemnibus & disertis verbis tradit, quamque alii etiam præstantissimi Medici probant, prima omnium proponetur: hæc itaque historia est à Galeno relata de radice præoniæ, quam cum puer quidam per multos menses epilepticus collo appensam gestasset, hujus morbi impetum nullum sensit, quamdiu eam gestavit, quam cum fortè deposuisset morbus iterum ipsum in-

vasit;

vasit : applicatâ tamen rursus radice iterum liberatus est : quod cùm Galenus observasset, radicem explorandi rem certius gratiâ seponendam curavit, cùm autem paroxysmus renovaretur, eam solito successu rursus adhibuit : in eadem vixi domo cum docto, magnique iudicii viro paralyti obnoxio, qui à violentis sæpe spasmis, citò, & ut plurimum liberabatur gestatione, aut tractatione dentis veri Hippopotami, aut equi fluvialis : mihiq; is asseruit, cùm eum ad tempus seposuisset, ut amico fortè commodaret, paroxysmos rursus æquè violentos redituros.

Memini quoque, cùm ipse per multos annos spasmis obnoxius essem, conquestusq; de iis fuisset Medico cuiuspiam qui per frigidas regiones multum peregrinatus fuerat, affirmare eum mihi quoddam secum attulisset annulos ex unguibus veri *Elkji* à loco quodam ubi illa animalia vulgò adhibentur, quorum ope variorum se curâsse spasmos dixit : unumq; mihi, ut experiret, obtulit, quem ed libentiùs accepi, quoddam asseruerit mihi, varios pro veris venditos, similesq; suis, adulteros tantum esse, aut nullius prorsus virtutis : quamvis autem cùm spasmus suram cruris invaderet, annulus non multum me juvaret, quando tamen paroxysmi moderati tantum erant, aliisq; in partibus, maxime tranibus solarium sensi tam frequens, & tam subitum, ut rei insolentia obstupescerem, remediumq; quavis nocte prope lectum, ut ad manum esset, ubi res exigeret, locatam : merito autem mirabar, cùm spasmus pedes, digito sive pedis invaderet, sedari dolorem licet annulum digito tantum applicarem : quam ob causam illius iacturam ægrè tuli.

Cùm Medicus quidam insignis mecum de *paciente* quâdam suâ, incontinentia urinæ & molesta, & propudiosa laborante disserteret, empyricum ipsi suggesti remedium alio in Tractatu commemoratum, cujus successum nec promitterem, nec omnino negarem : quod quidem tutum sin minus efficax foret : simplex hæc erat substantia ad regnum animale pertinens gestanda in sacculo indusium inter, & eum : gratias porto amplas diu post Medicus mihi egit, qui effectum se miratum dixit, observasseq; se cùm patiens eam tamdiu gestasset, ut virtus jam deficeret, hoc est juxta me, ut effluvia omnia exhausta ferè essent, iterum remedium adhibere patientem debuisse ut sana liberaque perseveraret.

Equidem futurum non existimo ut tria prænominata *appendix*, aliaq; remedia commemoranda semper succedant : atque non improbables quis rationes asserere poterit, cur uniformis non semper sequatur effectus : fat est quoddam interdum succedant, cùm inde manifestum fiat fieri posse ut exteriora medicamenta in morbos internos agant.

Cùm quondam peritissimum quemdam celeberrimi Collegii, Londinensis, Medicum invisissem, horologium modo novo constructum in domo observavi, cùmque ipsi dixissem me simile quiddam eo in loco prius non vidisse, monuit, ne eum dicerem, aded, aut vanum putarem, ut quid tam carum emeret. Sed fuit, aiebat aulici cujusdam, quem mihi nominavit, de cujus filiâ hanc mi-

hi historiam retulit: Hac scrophulosum in collo tumorem patiebatur: quem pater aëre admodum ferebat, quoddam merueret ne propterea dorem supra facultates augere cogeretur: Medicum itaque, de quo mox, consuluit: hic cum difficilem curatu tumorem hunc exstimeret, nec continuatis diu remediis eam torquere vellet, *Aulico* dixit, si posset ipse eam ad remedium quoddam admittendum inducere, sperare se eam illatis etiam viribus, & abique dolore sanandam: cum itaque utrinque de re conventum esset, ducta pariens est in cubiculum ubi in lecto jacebat quidam lento morbo consumptus: hujus manum Medicus *paiensis* tumori imposuit, donec conquesta est de ejusdem frigidityte ad intimas tumoris partes penetrante: manus aliquoties imposita tumori est, quam diu corpus tororis expers remansit. Atque hunc in modum profligatus tumor est, *paiensisque* liberata hoc malo: hoc autem horologium Medico, quem rerum curiosarum cupidum sciebat, in grati animi signum dono pater dederat.

Doctissimus hic Medicus insolitum hoc remedium Helmontio ascripsit, qui quidem collaudandus est quoddam medicamentum non modo nullius in speciem utilitatis futurum, sed quoddam præterea in usu non erat, commendaverit: sed ejus cognitio nostro etiam saculo antiquior mihi videtur, cum ejusmodi quid Plinius commemoret, licet ab eo ad Helmontium, aut oblivione sepultum, aut non creditum fuerit: præter unum *Franciscum Plinium*, qui licet non imperitus observator, celebris tamen non fuit: asserit is aliis frustra adhibitis remediis nobilem se novisse virginem qui hoc modo perfecte curata sit.

Æstate quadam magno meo stupore Hæmorrhagiis è naso obnoxius fui: cui malo ut obviam irem nunc unum remedium, nunc aliud adhibui, successu sæpe sperato, sed non sat celeri: cum autem quodam die in paroxysmum inopinatum inciderem; cujus eventum non nihil formidabam inusitato uti remedio statui, cumque à sorore, in cujus domo paroxysmo correptus eram *muscum* Cranii hominis mortui obtinuissem qui à magnate quodam ad ipsam ex *Hibernia* ubi major ejus copia est, plurique quam alibi æstimatur, missus fuerat: more solito adhibiturus eum eram, hoc est in nares illaturus, sed prius experiri volui, quantumvis copiosa Hæmorrhagia foret, utrum medicamentum hoc maius suspensum non idem effecturum foret: quare cooperatâ pugno, parte *musci*, ut calor remedium nonnihil actuaret, comperi non sine altantium stupore Hæmorrhagiam compressam, quam, laus sit Deo, multis post annis non sumptus: sed minus adhuc hoc mirum est, quam quod è præcipuis Regiæ Societatis Sociis cuiuspiam contigit: hic constitutionis omnino sanguineæ multum se affici sentiebat usu musci cranii humani [cujus particulas vidi adhærentes radicis vegetabilis, cum erat Genuinus] interdum enim cum sanguinem mitteret, si curiositatis gratia muscum manu teneret, sanguinis effluvium cessaret donec eum seponeret.

Quod non ipsemet tantum mihi asseruit, sed & ejusdem etiam Medicus quos ambos peculiariter noram: quod alioquin vix credidissem, nisi vis imaginationis,

ginationis, qua is pollebat, remedio fortè cooperata fit.

Hactenus commemoravi fpecifica externa à vegetabilibus, atque animalibus fubminiftrata, quæ cùm levioris texturæ fint, facilius emittere effluvia dicere quis poterit, duo proinde jam triæ exempla è minerali regno proponam, quod cùm confter corporibus nunquam vitæ præditis, quæque compacta admodum pleraque funt, exiftimantur habere partes minùs ad *Effluvia* nem difpofitas.

Quendam magnæ eruditionis Medicum novi, fat integræ valetudinis præterquam quod aliquo poft horas magno cum terrore evigilaret, quem fequerentur violentæ, diuturnæque cordis palpitaciones, quæ molefto admodum terrore eum percellerent: ut malum hoc curaret, quicquid fuggere ars poterat, expertus fuerat, quâ de re pluribus, ex amicis fuis conqueftus eft: cùm autem rem hanc quondam inter Mercatores, quorum quidam per remotas regiones peregrinari fuerant, commemoraret, eorum quipiam ipfi dixit fe citò eum curaturum remedio quod & tibi, & aliis profuiffet. Dixit itaque fe ligendos varios planos, lævigatosque *Cornelianos* lapides, cujufmodi ab Indiis orientalibus afferuntur, ut ex iis fiant annuli, eofque octo, aut decem particulæ veltis coccineæ circa collum geltandæ effe affuendos, ita ut lapides immediatè cutem tangerent è regione cordis, orificiique Stomachi: hoc adhibuit Medicus remedium, brevique magnum ex eo commodum percepit, quare lapides jam feponere fe polle putavit: quod & bis terve fecit, tum ut videret, quid inde contingeret, tum ut geltandi moleftiâ liberaretur: at cùm morbus femper rediret intra paucas à feposito remedio hebdomadas, illud continuè gellare decrevit, ut faliciter fecerat, cùm rem mihi narravit: & ne quis mihi dubitationis locus fupefferet, quofdam mihi *Cornelianos* quoque dedit, quos fibi numerosos, ne deficerent, procuraffet: cùm tamen nondum eorum experimentum facere licuerit, non afferam hoc remedium fucceffum femper habiturum, fed tantùm, quod ad rem præfentem fat eft, fieri faltem polle, ut ejuſcemodi externum remedium admodum efficax fit.

Mecum ipſe poſtea cogitavi, quod hic ut dictis probabilitatem conciliem, addo, eos fortè qui priore remedio primùm ufi funt, illud didiciſſe ex iis quæ de Jaſpide Galenus aſſerit: quem lapidem colore varium obſervamus, vidique ipſe in viſciferibus rubri mixturis, tam intenfis coloris quàm ſint *Cornelianis*: ex hoc lapide Galenus refert quofdam, conſiſſe annulos, quibus inſculptus erat Draco radios emittens: eumque ut Stomacho peramicum commendat ori applicatum: quamvis autem omiſerit, & turò ut putavit, ſculpturam, ex propria tamen experientiâ lapides probat, quos eodem ferè quo Merdator noiter, modo applicabat: † *ſanè huius, inquit, ego quoque lapidis feci periculum, torquem ex huiuscemodi lapidibus confectum collo ſuſpendi ita ut lapides os ventriculi contingerent, apparebant autem nihilominus prodeſſe quamvis ſculpturam non haberent, &c.*

E 3 Superius

† Galen. de ſimpl. med. facult. l. 9. Titu. de lap.

Superius commemoravi virtutem annuli in quasdam generis nervosi partes, sed majus fortè cuiuspiam miraculum videbatur si annulus lapideus digito gestatus, in massam sanguinis operari possit, ac præsertim in depravatam ejusdem portionem, quam natura ad venas hæmorrhoidales relegat: cùm tamen peritissimus Monardes lapidem sanguineum? *nova Hispania* allatum descripsisset, eumque ut jaspide.n exhibuisset: non eum tantùm adversus Hæmorrhagiam parti affectæ applicatum commendat, sed sequentia, ex propria etiam experientiâ addit: † *vidimus nonnullos Hæmorrhoidum fluxu afflicto remedium sensisse annulos ex hoc lapide confectos in digito continuè gestando, nec non & menstruum fluxum sisti.*

Scio hic prætermittendum à me lapidem Nephriticum non existimare te, licet eorum quamplurimi nullius adversus huic morbum à quo appellationem sortiuntur, virtutis extiterint, vixque fieri possit, ut bonos quis, nisi expertus fuerit, reperiat: quod tamen eorum nonnulli magnæ sint virtutis ex testimoniis Boethii, doctique illius circa Gemmas Scriptoris *Johannis de Laet* patet: cujus laudes *Monardes*, aliique confirmant. Sed in neminem incidi, qui proprius ad rem nostram loquatur quàm insignis quidam mercator *Leipsiensis* cujus rarissimas observationes magnæ vir eruditionis *Vntzerus* * commemorat, quem consule: duas interim ex decem quas proponit, ipsius observationes proponam. Asseruit itaque Mercator auctori nostro hujus lapidis per aliquot dies gestatione, calculosam materiam tam validè esse proscriptam, ut plurima arenæ granula ejecta fuerint, per ipsos etiam oculorum angulos: cuiusmodi ejusdem remedii effectum variis quoque in aliis observavit: asseruit pariter gestatione ejusdem lapidis uxorem Catarrho laborantem purgatam insigniter fuisse, aded ut primo die purgata inde fuerit quatuordecies, aut quindecies, postero nonies, aut decies: cujus postea corporis meatus liberi, aperique permanserint, additque sensisse se ipsum lapidem sed non aded validè Catharticum.

Sed hætenus sat superque de virtutibus *periaptorum* & *appensorum*, præsertim, cùm eorum alio in Tractatu plura occurrant exempla, atque etiam absque iis, aut unâ saltem cum iis hætenus allatis proposita hinc objectioni sat omnino factum sit.

Conclusio.

HAbes itaque hætenus, quæ ipsa, rerum de quibus ago, natura mihi suggestit circa modos præcipuos quibus morbos à medicamentis specificis curari, aut certè multùm imminui posse puro: dixi modos præcipuos, non enim nego alios fortè multos adhuc sapere esse minimè hîc ob præscriptos Epistolæ

† Nic. Monard. Simpl. Med. Hist. c. 36. p. 329. † Vntzer. de Neph. l. 1. c. 24.

stolæ limites commemorandos; huic præferri, quæ jam præter opinionem producta est, licet dedicatâ operâ prætermiserim testimonia vartorum Medicorum, atque Chymicorum qui *Specifica* defendunt, quia aliis nituntur principiis, puta *formis substantialibus, realibus qualitatibus, ideis, &c.* quæ quia non admitto, usurpare non poteram, sed quavis dissertationem hanc minùs idoneis, superfluisque ex aliis authoribus transcriptionibus non produxerim, sær proluxa est, ut jam extrema eidem manus imponenda sit, ubi duo triâve sub initium commemorata in memoriam tibi revocavero.

Primo itaque non ita sum intelligendus ut velim *Specificum* medicamentum, aut naturam ope *Specifici* morbum plerumque uno tantùm aliquo modorum propositorum curare, cum duo interdum, atque etiam plures ad effectum hunc concurrant: secundo suscepi modos operandi *Specificorum* in genere tantùm explicandos: tertio modos à me selectos veros, ac genuinos non dixi, sed eos tantùm proposui tanquam modos quibus agere possunt *specificæ*: quare dogmata non pronuncio, sed explicaciones meas tanquam possibiles, ac vero similes propono: quo quidem hujus Epistolæ scopo factum satis fuerit; in qua ed tantum, ut nosti, collimavi ut ostenderem *Specificorum* operationes corpuscularis Philosophiæ principiis esse congruas.

Quod non invitus ni fallor, concedes, si id mihi felicitatis contigerit ut remorantes assensum tuum difficultates, nonnihil imminuerim: dum de abstracto admodum argumento, atque ad artem, quam non profiteor, spectante, disfero: quapropter cum te longè me sagaciorem profitear, cumque ad te propius hoc spectet argumentum, faciliusque utpote Medicus quàm ego queam, varias naturæ operationes observare possis, tuas ipsemet objectiones facilius dilues: meas proinde conjecturas quasi subdubius tibi proposui, quamvis de meo in te affectu dubitare nequeam, utpote qui ad utile quodvis præstandum tibi obsequium sum paratissimus.

ROBERTUS BOYLE.

PARÆNESIS

PARÆNESIS

AD V S V M

SIMPLICIVM MEDICAMENTORVM.

Ad Amicum summè eruditum D. F.

§ 1.



Um remedia specifica, ut hanc appellationem promereantur, summæ virtutis esse debeant, quæ tamen pleraque aut simplicia sunt, aut parum composita, quæ de iis in præcedente Tractatu dicta sunt, non immerito me impulerint, horter ut te, aliofque eandem artem professos, qui tuo quoque impelli exemplo poterunt, ut quarant frequentiusque solito adhibeant ejusmodi remedia, quæ vel simplicia sint, vel si composita esse necesse sit, ex necessariis tantum ingredientibus Medici scopo, morbiq; indicationibus respondentibus consent.

Simplicia hæc, aut leviter composita remedia, tam vario quasi apparatu, pompæque compositis, quibus homines *ingredientium* multitudine morbos se superaturos sperant, ob rationes mox indicandas antepono: ubique tamen velim ita me intelligi ut simplicia remedia, non absolute, & indefinitè sed *ceteris tantum paribus*, compositis anteponenda judicem. Quod semel hic annotasse sat superque fuerit.

Primo itaque simplicia, compositis remediis anteponenda censeo, quod longè facilius sit operationem simplicis, quàm compositi conicere: isto igitur tutius quàm hoc Medici uti poterunt: ac certè nō fallor, nostræ nimium sagacitati fidimus, cum credimus præscire nos quis futurus sit mixtionis è multis *ingredientibus* effectus: cum plurima corpora: texturæ mutatione qualitates etiam suas mutant: cujus rei varia suppeditavit exempla nostra colorum historia: in variis enim experimentis illic commemoratis, compositi diversus omnino

nino color est aliisque quàm simplicium seorsim spectatorum : ut cum cærulea cupri solutio spiritu vini facta, unà cum spiritu violarum etiam cæruleo, colorem pulchrè viridem producit : hujusque rei ex quo hanc sectionem conscribere cœpi, factum eum in scopum, experimentum, exemplum subministravit.

Cùm enim ferri tincturam optimo aceti spiritu factam, volatilemque sulphuris tincturam commiscuissim, cujus conficiendæ modum alibi doceo, ex rubris hisce liquoribus commixtis emerfit statim, obscurus admodum, atramenticiaque quædam mixtura.

Insignes ejusmodi mutationes ope mixtionis sæpe effeci, non colorum modo, sed & odorum, saporum, &c. cur autem ejusmodi mutationes medicarum etiam qualitaturn contingere nequeant non sat intelligo : Mercurius ipse interiorius sumptus aut superne, aut non omnino manifestè purgat : si tamen dissolvatur spiritu nitri præcipiteturque sale marino, si cautè administratur, raro salivatione, quantum hæcenus didici, sed dejectione semper operatur. Jam vitrum Antimonii factum per se, cujus paucula grana in substantia, violenter superne, infernèque evacuare solent, spiritu aceti, quod non facilè fit, dissolutorum, nec emeticum plerumque, nec catharticum est, quamvis subtractum ab eo menstruum fuerit, majoreque dosi administratur, quàm simplex ipsum vitrum.

Et quamvis, si crudum antimonium colliquefactum cum nitro, & tartaro fuerit, juxta communem, qua *crocum metallorum* fit, methodum, producat medicamentum aded *Emeticum* ac *Catharticum*, ut uncia ferè vini, in quâ non imminuto sensibilibiter pondere maceratum fuerit, sat violenter, superne, infernèque purgare soleat : quosdam tamen novi qui varia crudi antimonii grana in substantia deglurirent, atque unum præsertim, qui diu eo usus nec superne tamen inde, infernè purgatus est.

Atque experimentis consultò factis didici, si sepositis sale petrae, & tartaro, antimonium unà cum sale marino optimè desiccato, modicoque tartari præparetur, licèt hæc ambo nitri, & tartari vulgè adhibitorum medium pondus non transcendant, antimonium tamen his bene per horam colloquatum, ita inde alterari, ac corrigi, ut perutile suppediret medicamentum : quod à duodecim, aut quindecim granis ad semidrachmam & ultra ministrare quis poterit : neque id tamen propterea vomitu, aut dejectione purgat, sed sudore ut plurimum, atque aliquando urina copiosiore : hinc patet antimonium vel salubrius vel insalubrius fieri posse juxta *ingredientium* quibus associatur, indolem, licèt hæc per se innocua sint, sibi que fortè invicem affinia : atque ipsi etiam Chymici æquè ac alii remedium præscriptores, licèt minus sæpe, ea simplici medicamento aliquando addunt, quæ illud visient potius quàm perficiant : conqueritur enim summæ inter eos notæ quispiam *Præticus felicissimus*, florem sulphuris, sublimatum ut à multis sublimatur, à vitriolo calcinato, atque uno alterove quopiam, ut subtilior, puriorque evadat, evadere reipâ,

non levi utentium damno corrosivum : atque si per otium hîc liceret, sat multis ostendere exemplis possem Chymicos interdum ex errore additione producere in medicamentis alias quàm volebant , aut etiam peiores qualitates.

§ II.

ALio nomine simplicia medicamenta compositis cæteris paribus præferenda sunt, quòd tutiora sint, maxime si ægroti valetudinis infirmioris sint : magnificentius nobis extollunt Botanici, aliique materiæ medicæ Scriptores , quàm verius describunt simplicia de quibus agunt : enumerant enim omnes quas habent virtutes beneficas, & plures etiam quàm reipsâ habeant, prætermisissis interim noxiis eorum qualitatibus ; quibus sæpe quibusdam nocere possunt : novimus varia odoramenta, puta Moschum , Ambram, quibus licet viri plerumque recreentur, multis tamen mulieribus atque histericis præfertim nocere.

Novi summæ notæ virum, robusti quamvis temperamenti, qui malè admodum afficiebatur odore moschi, varios quoque utriusque sexus cognovi, quibus rosarum odor gravis omnino erat. Qui tamen moderatus admodum est, & plerisque tum viris , tum fœminis gratissimus : novi quempiam magnatem, cui mel , sive exterius, sive interius sumptum non minus ferè quàm venenum noxium erat ; cùm horrenda interdum induxerit symptomata etiam cùm *paciens* nesciret, an mel necne adhibirum fuisset : tanta igitur hominis disturbatio imaginatrici facultati tribui non poterat : alibi, ni fallor, indicavi, quantum ipse, aliique quibus infirmiores oculi, ex moderato etiam apii usu incommodi passi simus.

Hic loci addam quod mihi contigit diu posteaquam quæ de apio dixi, dictavissim, absinthium licet plantam varios in usus nam, aded capiti molestam comperit fuisse, oculisque contrariam, ut ab eo ipse per aliquot annos metu Cephalalgia, abstinerim, aliósque quibus oculi infirmiores erant, ut ab eo sibi caverent, admonuerim : at novi doctum quemdam virum, qui variis vario super argumento Scriptis, jam multis innouit : cujus licet sani admodum, lynceique etiam sint oculi, comperit tamen is liberaliori, vini, ac cerevisiæ absinthiacæ usu, ut quid ipsis inesset virtutis, experimentum faceret, oculorum aciem aded esse imminutam ut Mercurium publicum nisi perspicilliorum ope legere nequireret : cùm itaque ab absynthio deinceps abstinuisset restitutam citò oculorum aciem sensit, absque ullis artis suæ, Medicus enim erat, adhibitis remediis hæc ipsemet mihi statim ferè , atque res contigerat, narravit, ubi priùs ipsi, quæ de apio dixi, indicassim.

Atque ut quod res est dicam, non dubito quin homines, nisi elogia, simplicibus, ab auctoribus tributa ipsis imponerent, quibus sit, ut quæ invehere sæpe

pe possunt, simplicia, incommoda, observare nequeant, non dubito, inquam, quin noxias variorum medicamentorum qualitates hactenus inobservatas tandem observaturi forent: nec semel nimium certe prædixi quantum detrimenti passuri essent ægri ex celebrium etiam medicamentorum usu, quæ viri alioquin docti præscripserant, cum eorum auctoritate contingebat, ut meorum minor ratio consiliorum haberetur: memini me vidisse Arabicum de materia medica manuscriptum: quod pertinebat ad doctum, curiosumque peregrinatorem: indolui tum, quam quondam comparatam, hujus linguæ notitiam mihi magna ex parte deperisse: præterquam enim quod nitidis admodum characteribus conscriptum foret, characteresque locis idoneis, auro, cæruleoque cælesti adornati, methodus mihi accurata adeò videbatur ut nihil hac super re accuratius vidisse me meminerim: illud autem in primis mihi ardebat quòd author distinctis ordinibus & bonas, & malas, eorum de quibus agebat, medicamentorum, dores distingueret, annotaretque morbos, & temperamenta quibus medicamenta, noxia, aut periculosa forent: conformiter itaque rationi omnino suspicari licet; quoties multa unum medicamentum constant *ingredientia*, eorum unum alterumve, alias quàm Medicus velit, habere posse virtutes: horum enim quopiam consopitum aliquod fermentum excitari poterit; aut si novus non producat morbus, commovebitur fortè hostilis quædam materia, quæ prius in corpore quæta jacuerat, quàmque fortè natura paulatim domuisset, nisi ab ingrediente quopiam fortè superfluo intempestivè irritata fuisset: hujusce rei veritatem toties expertus ipse sum, ut alios, quòd sibi caveant, sollicitè monendos censeam: aliud simplicium medicamentorum usum commodum sequitur, quod absque ventriculi gravamine, & absque nausea, liberaliorem remedii, aut ejus *ingredientis* in quo præcipua virtus residet, mensuram adhibere possis: cum enim mediocrem Medici dosim, ne nauseam ægro provocent, ventriculove gravamen quodpiam contingat, præscribere cogantur, quando multa simul dosi moderatæ medicamenti compositi adjiciuntur, ea *ingredientia* quæ vel superflua sunt, aut certè minùs efficacia, magna haud dubiè determinatæ illius dosis pars futura sunt, appropriata proinde, atque utilia ingredientia pauciora longè erunt.

Vix enim veritati consonum putem adlerere omnia compositi medicamenti *ingredientia* eundem habere effectum, aut eundem quasi collimare in scopum: ut sic hac responsione objecto à me incommodo obviam non itur.

Si pistor, quàm optimum potest confecturus panem in gratiam præsertim hominis infirmioris stomacho laborantis, triticeo flori farinam ex secali, hordeo, & avenâ adderet: licèt hæc omnia *ingredientia*, bona sint, aptaque etiàmque alimenta, utpote quæ singula à quibusdam in panem compingantur, nemo tamen hominem hunc peritum reputaret pistorem, paucique omnino compositum hunc, simplici ex triticeo panis anteferrent: atque ita ad pulverem nitratum conficiendum qui valentior foret, probæque notæ, nemo salpetræ, sulphuri, & carbonibus, ceram, resinam, camphoram adderet, quamvis

substantiæ hæc sunt maxime inflammabiles, nec minùs, quàm sulphur: eodem modo nemo *aquam vitæ* confecturus, cujus exiguum tantùm poculum deliquitum patientibus dandum esset, spiritum vini, aut aquam vinariam, mulso, forti cerevisiæ lupulæ aut illupulæ immisceret, licet spirituosi hi omnes liquores sint.

Gummi Arabicum (optimum est Diaphanum) sæpe præscribitur. Tantum medicamentum ad mitigandum urinæ ardorem, aptum: cujus exigua tantum dosis datur ob aliorum *ingredientium* commixtionem. Cum autem reliquis ingredientibus seclusis, ejusdem drachmam dedissem, drachmam inquam diuturnâ confusione ad pollinem redacti hujus pulveris, insignes admodum illius virtutes reperi: meminique nobilem magnæ notæ cum mihi valediceret ad aquas minerales profecturus, quas per multas septimanas bibiturus erat: ut urinæ ardorem exstingueret; cum probè nossem hunc ardorem non esse venereum, neque à calculo in vesicâ ortum, adversus enim hæc straguriz causas non adeò medicamentum valet; eum rogavi, priusquam iter susciperet ut semel, bisve si opus foret, quovis die hoc pulvere uteretur: quod cum fecisset tantum inde levamen sensit, ut omnino se curatum crederet, neque eo anno, neque sequente ad aquas minerales se contulit. Tussis etiam importunior, in pueris cujus symptomata, parentes, ac spectantes curare terrefaciunt, ipsosque etiam Medicorum conatus sæpe, qui minùs obstinatas curare ruses solent, & norunt, eludunt, nullâ citius compositione curatur, quàm simplici *pulegij* succo, saccharo cretico nonnihil dulcorato, atque per intervalla sæt diu pueris cochlearim administrato: ex hac planta, quoque sirupus adversus ruses utilis confici poterit, qui vereor, tantæ virtutis non est, quantæ simplex ipse succus: plurima sunt obviæque exempla medicæ virtutis lactis asinini (quod tamen Caprino interdum cedere puto,) si sat magnâ copiâ sætque diu administratur: varia quoque exempla sunt periculosorum morborum, atque Chronicorum quos lac vaccinum copiosius diu sumptum curavit: neque minùs observatu dignum quod non multos interdum intra dies diarrhææ, atque licet rariùs dysenteriz feliciter, facileque curentur solo lactis usu cui leniter ebullienti æqualis limpida quantitas paulatim affunditur, donec tandem liquor totus ad primam lactis mensuram reducat: simplex hoc medicamentum, seu alimentum liberalius haustum, durante enim morbo, alii quicunque porui præferendum est, diversi sæpe generis diarrhæas ipsa in Hiberniâ ubi morbi hæc Epidemici sunt, sæpe curavit.

Quamvis autem alio in Tractatu commendârim paronychiâ foliis rutaceis adversus morbum *comitalem*, seu *regium*, qui adeò difficile curatur, non ægrè ut puto, ferres, commemoratione experimenti de eâ exinde sumpti, ostendi à me insigni exemplo, *simplicis* alterantis copiosius, si opus sit, hausti utilitatem. Notus mihi Medicus accersitus est ad ægrum serophalosum in Gutture tumore laborantem, tantæ molis, locoque tam incommodo, ut compressione *Ælophagi* deglutionem redderet admodum difficilem, cum pariter du-

rus

rus foret, Medicus quamvis celebris etiam Chirurgus, neque suppurare, neque discutere eum poterat: quocirca *paciens* quamvis divitiis affluens fame peribat: his in angustiis cum meminisset Medicus laudatam à me paronychiam, quantam illius copiam potuit sibi comparavit, eamque primum infusam iis in liquidis quæ *paciens* licet difficulter deglutire poterat, paulatim administravit: cumque hinc deglutitio facilius evaderet, liberaliorem remedii dosim adhibuit, ut totam sanguinis massam succorumque corporis, herbæ virtute imbueret: hinc tumor resolutus est, & restituto valetudini ægro, Medici tum famæ, tum lucro prospectum est: quare in grati animi signum rem totam ut gesta est, prolixa epistola cujus præcipua capita retuli, perurbane mihi narravit.

Quamvis autem aliorum simplicium copiosius sumptorum narrare hic tibi virtutes possem, brevitate tamen gratiâ in genere potius indicabo, non dubitare me quin varia simplicia medicamenta, de alterantibus, non evacuantibus loquor, longè efficaciora futura sint quàm reipsa vulgò putentur, si ampliore ea dosi diutius sit administrarentur: ac verosimiliter tot Medici maxime *antiqua Schola*, non tam facile *specificis*, aut simplicia rejicerent, quod eorum quæpiam ipsorum expectationi non responderint, si eodem iis uterentur modo quo utantur remediis à se præscriptis, puta chalybeatis officinarum, aquis Spadanis, Tunbrigitanis, decoctis, *Guaia*ci, &c. quæ unâ cum aliis multis intermediis subsidii spatio mensis aut sex hebdomadarum administrant, aut duorum quandoque mensium continuè, qui proinde morbum horum ope nequaquam infra paucas hebdomadas, ac multò minus infra paucos dies curandum sperant.

§ IV.

Alio quoque ex Capite *simplicia*, compositis remediis præferenda sunt; quod *cæteris paribus* facilius comparari possint: Hæc assertio probatio-
ne vix eger, atque plura ubi simplicia necessaria sunt, unum ex iis, alterumve difficile interdum haberi poterit, atque non nisi magno omnia labore in unum colligentur: Quanta utilitatis parabilium remedium cognitio futura sit, alio in Tractatu ostendere conatus sum: hac igitur de re nihil hic addam; subjungam tantum quædam remedia adesse parabilia ut absque confugio ad Pharmacopolarum officinas, quæ nec ubique sunt, nec iisdem semper instructæ, in aliorum artificum officinis reperiri queant: Ita Camentarios inter, calcem vivam plerumque reperimus cujus mera infusio in aqua communi, [addatur libra prioris pro ratione virium ejusdem, sex aut octo libris posterioris] optimum sæpe remedium est, atque ut experientiâ didici variorum optimorum remedium tum exteriorum, tum interiorum basis esse poterit: his annumerari potest unguentum quod adversus adustiones servare soleo, conficiturque

ex aqua calcis coagitata unâ cum eâ olei seminis lini quantitate quæ cum ipsa in unguentum omnino album coalescere possit.

De oleo autem seminis lini, cùm illius mentio incidit, quod in Politorum, Pictorumque officinis reperire est, admonebo te, ipsum liberali dosi simul exhibitum, ut plurimum unciarum, Medicorum optimorum elegiis respondere, qui illius vim ad pleurctica Empyemata distumpenda multum extollunt: simplex etiam terebinthinæ oleum quod in eorundem artificum officinis vulgò haberi potest, nobile reipsa est remedium adversus interiores non paucas affectiones, adversus quas Medici illud laudant, atque exteriores etiam quamplurimas: Magnas siquidem egere mihi gratias & Medici, & Chirurgi, quod ejusdem ipsius usum commendârim in sanandis vulneribus, atque etiam quodd quis vix expectârit in sistendo sanguine, si sat citò calidum admodum læsis partibus applicetur, ubi etiam digestionem multum promover.

Conceptæ autem de hoc oleo opinioni eò tenacius adhæreo, quod inaudierim Chirurgum experientissimum pio charitatis affectu morum edidisse nuper in lucem libellum utiles observationes complexum, curationesque ab ipso ineter, oleo præcipuè terebinthinæ ope confectas: addamque Chirurgum magni Monarchæ, peritissimumque hujus artis quem unquam novi, mihi ingenue confessum esse curâsse se non sine multorum stupore Gangrenam incurabilem hujus olei subsidio: Hoc autem morbo laborabat vir quidam primariæ notæ, lætæque semper affixus jacebat, provectæ insuper ætatis: hunc inquam olei prænominati ope curâsse se dixit: quia autem tum ipse, tum alii utuntur sæpe vini spiritu in Gangrænis curandis, qui oleo Terebinthinæ immisceri non posse putatur, affusum enim spiritui oleum statim separabitur ab eodem; non inutile quid *Prædicis* facturum me existimavi, si in eorum gratiam mixturam quamdam ex oleo Terebinthinæ, spirituque vini conficerem, quæ fortè priori longè acutior foret, minusque fugitiva posteriori, qui sat diu super partes, quibus applicata: non remanet: quam faciliè mixturam confeci digerendo aliquandiu, valideque identidem coagitando æquales ferè optimi olei Terebinthinæ, penitusque dephlegmati spiritus vini partes, donec liquor hic imbibendo, dissolvendoque magnam partium oleaginosarum copiam statum attrigerit colorem: quam mixturam idcirco tincturam olei Terebinthinæ voco.

Cùm itaque argumentum hoc in eorum qui colores vendunt, officinas me duxerit, priusquam inde exeam, quidpiam dicam de quodam simplici ibi reperto, quod nisi tum palato, tum stomacho offendiculo foret, ob virtutem antinephriticam pomposis officinarum mixturis, ac quibusdam etiam celebratis vulgarium Chymistarum arcanis præferendum foret: illud non absque difficultate didici ex Spagyrico quodam, *Paracelso*, & *Helmontio* multum additò, qui licet, vix ulla remedia multum commendaret, hoc tanquam optimum ad calculi non nimium magni expulsionem, ejusdemque impediendum incrementum, laudavit; id in Clysteris magno cum successu contra hujus morbi paroxys-

muu

num adhibitum scio: sed interius in nemine præterquam in meipso expertus sum: cumque sat illud innocuum reperirem, atque anodynum potius, quam abigens, id identidem sumpsi oleo amygdalarum dulcium mixtum, eo præsertim consilio ut gravior sapor imminueretur, [alioquin diu illud solum insufficiens comperi] tanquam quid ad præoccupandum calculum peritoneum: atque, gratus Deo ago, majorem sæpe hunc adversus morbum ejus virtutem sensi dum vel granorum arenæ molem, vel multitudinem imminueret, quam cujusquam ex iis remediis, quibus pluribus antè annis præpediendi hujus morbi causâ usus fueram: vix tamen quartam dosis partem à Spagyrico qui remedium mihi indicavit præscripam sumpsi, hoc est, ut curiositati demum satisfaciam tuæ, seorsim identidem in conveniente quopiam vehiculo duas tresve olei ex nucibus expressi uncias, quod, si verus sit oportet, ut ipse vult, quod factis experimentis aliquando examinabo, vix nisi in artificum officinis haberi poterit, ab anno enim priusquam quisquam eo utatur, factum vult, & quod antiquius, eò præstantius esse asserit.

Priusquam artificum officinis egrediar, unum adhuc indicabo medicamentum, quod primum ibi sepositum, indeque ad Pharmacopolarum officinas translatum videretur: quod cum dico, nihil aliud quam *Saponem*, Castilianum, aut *Venerum* indico: uterque enim indiscriminatum adhibetur: qui cum corpus sit abundans salibus alcalizaris oleaginosisque partibus bene combinatis, impulit me ut quædam cum eo experimenta facerem tanquam substantiâ non ad mechanicos tantum, sed ad medicos etiam usum idoneâ: quod autem ad medicas ipsius virtutes spectat, alio in Tractatu ipsius efficaciam adversus icterum indicavi: hoc enim medicamentum quantumvis nauseam produceret audio à peritis in Hollandia viris ad hunc domandum morbum adhiberi: atque novum quodpiam ejusdem, sed nondum quod sufficiat, experimentum, illud mihi adversus calculum commendavit: ob quam autem maxime virtutem saponem hunc pluris faciam, ex sequente facilius historiâ disces.

Mercator quidam primæ notæ, Corcagiensis in Hibernia cum quo res mihi fuerat, conquestus est sanguinolentam sese urinam emittere, adeo ut metueret admodum ne mercaturam deferere cogereetur, quod neque equitare ad negotia perficienda, neque ad passum unicum per plateas ambulare posset, nisi inclinato corpore urinam sanguinolentam emitteret: quare ipsi dixi nosse me medicamentum, cujus opite, si saporem ejusdem pari posset, Deo opitulante, levandus foret. Monui itaque ut saponis veneri cultello tantum abraderet, immitteretque in cochleare, quantum ipsum nullâ compressione factâ contineret, hoc est prope drachmam, partemque vacuâ convenientem quovis vehiculo impletâ ad faciliorem remedii adeo ingrati deglutionem, ut liberalem, ad diluorem, ejusdem dosim sumeret, reperitâ bis terve quovis die, si opus foret, dosi. Cum intra duos tresve, si rite memini, dies, hoc se medicamento quantumvis in speciem contemnendo alleviatum sentiret, diutius eo hinc animatus uti voluit: ac gratias demum mihi ob rem bene gestam egit: quod.

quodd scilicet ipso jam quadriennio hoc liber morbo fuisset, ac pro te natâ quoquo versum equitare posset: addidit insuper, cum nullo eum secreto obstrinxisset, ea se fuisse in mente ut medicamentum hoc publici juris foret, me non refragaturum, illudque idcirco se aliis quamplurimis impertivisse qui eodem feliciter remedio curati fuere: quæ quidem narratio eò mihi gravior exitit, quia in eo, in quo debebam loco, nullum aliud ejusdem virtutis experimentum facere porui: atque hic te semel admonuero, quod spectat ad remedia à me sive in hoc Tractatu, sive in aliis quibuscunque tradita, non ignorare me quàm difficile sit certum rerum medicarum experimentum facere: quare cum diu ob rationes suo loco datas sollicitè quidem licet non semper, opportunitatem dandi, atque ad eò reiterandi medicamenta evitari, meritò velim ut nullus lectorum meorum, ac præsertim D. F. iis nimium innitatur donec sæpius probata fuerint, quàm mihi per otium eorum quædam probare licuerit, omnique ætati, sexui, constitutioni, &c. administrata fuerint.

Alia reperire poteris exempla virtutis parabilium quorundam medicamentorum à quibus non multum sperari posse videbatur; in quopiam *Tentaminum meorum utilitatis experimentalis Philosophiæ*: quò te eò libentius remitto, quia vereor, ne minus memor eorum quæ illic à multis jam annis scripsi, quædam hic reperam quæ eo in Tractatu legisti, hujus tamen libri ut mentionem faciam, novæque quædam hoc in Tractatu communicem, idcirco inducor quodd medicamenta à me illic laudata aut commemorata felici Deus successu beârit, multis proinde ægris profuere, & aliquoties etiam quibuscumque primæ notæ Medicis utilia fuere, qui hoc nomine gratias mihi expectatione ampliores egerunt: præterquam quod hinc inducor, ut plura publici boni studio, publici juris faciam.

§. V.

Aliud adhuc quidpiam postremum quidem ordine, non utilitate facit ut velim Medicos, Simplicia, quoad usque fieri potest, adhibere remedia, quodd scilicet hoc præcipuè modo, qui fortè etiam necessarius est, practica materiæ medicæ notitia promoveri possit: dum enim multa simul remedia præscribuntur, aut porius confunduntur, fieri nequit ut aliqua quis certitudine sciat cui simplicium bonus malusve remedii effectus attribuendus sit, aut utrùm non oriatur à facultate quadam, ex particularibus omnium qualitatibus, atque ut loquuntur in Scholis per modum unius, agentibus natâ: quocirca non sat intelligo quâ commixtis, confusisque hunc in modum remediis, queant homines multorum etiam sæculorum decursu veras, sive bonas, sive malas particularium corporum, quæ nomine *materia Medica* comprehenduntur, cognoscere qualitates: at quando Medicus simplex adhibet remedium, observæque illius effectum, quam inde utilitatem, detrimentumve *paciens* recipit, probabiliter adinodum

admodum sibi minus medicâ certitudine adscribere quis poterit bonis, malive particularis illius remedii qualitatibus.

Atque ista discernendi difficultas, quo præcipuè compositi *remedii* ingrediente juvetur, lædaturve patiens, multùm augetur iis præsertim qui formulas medicamentorum præscribere amant, in quibus quidpiam præscribitur, re ipsa valde compositum, quod uno nomine comprehenditur: ut patet in pomposis illis formulis, in quibus Theriaca, quæ sola sexaginta, & pluribus constat *simplicibus*, michridatio, aliisque antiquis compositionibus: quatum quævis magnam *ingredientium* copiam continet: statueram quondam de artis medicæ difficultate quidpiam conscribere: variamque jam hujusmodi ad opus comparâram mihi suppellectilem, sed rem prosequi nolui, ne quid inde detrimenti præstantes Medici paterentur: unam hic tantùm difficultatem proponam: difficilius enim est quàm multi sibi persuadent intimè nosse naturam, aut bonam, malamve cujuscunque plantæ, alteriusve simplicis in *materia medica* contenti qualitatem: præterquam enim quod magnum inter plantas ejusdem nominis discrimen esse possit juxta clima, Solem, femina producentia, culturam, aut ejus defectum, anni tempestatem, salubritatem, aut insalubritatem anni, aeris, tempus, modumque colligendi, modum quo conservata est planta partes ad usum adhibitas, & non adhibitas, variasque alias circumstantias numerosiores quàm ut hic enumerari omnes possint. Præter hæc, inquam, omnia inobservatæ partium texturæ quæ uniformis naturæ creduntur, ipsaque, de quâ pauci cogitant, vetustas & quamvis etiam vetusta non foret, plantam adeo variare possunt, ut curiosi in ictu oculi ostenderim insigne prorsus partium recentis folii ejusdem plantæ discrimen: comperique experimento consulto facto communia quædam in arte medica semina non putrefacta distillata quadam anni tempestatè acidum spiritum suppeditatura, sed alio anni tempore distillata eodem modo, absque additione suppeditatura non acidum, sed urinosum spiritum, sal volatile complexum, odore, sapore aliisque operationibus salii volatili urinæ, aut cornucervi affinem admodum.

Atque tam multa utiliter proponi, inquirique possunt circa hanc, illamve plantam à Medicis adhibitam, ut tantum earum plantarum numerum in unum simul cumulum non congererent, si attenderent, quàm utiliter tempus suum investigandis vel paucarum plantarum qualitatibus impendere possent: nisi tamen quis separatorum *ingredientium* quæ præscribuntur proprietates nôrit, vix fieri poterit ut aliquâ certitudine sciat, quænam sint *aggregati ipsius* futuræ operationes: hocque eo majore fiduciâ assero, quia idem asseruit Galenus. I. ibi ubi de medicamentorum compositione ita pronuntiat: *in universum nemo probè uti possit medicamento composito, qui simplicium vires non accuratè prius didicerit.*

Eorum pleraque quæ in gratiam simplicium medicamentorum dicta sunt, quæ naturæ, aut auctoris potius naturæ bonitati debemus, extendi poterunt ad remedia plurima quæ chymica nobis ars subministrat: quàmvis enim hic

non examinemus, utrum, spiritus, olea, salia, quæ obtinentur spagyricis per ignem *analysibus*, sint strictè dicta principia, dubitari vix potest quin spiritus, aut oleum, aut sal mixti corporis Chymicè resoluti, tam leviter, & inaequaliter composita sint ut *ingredienti*, à quo appellatio ducitur, multò magis prædominetur, quàm prædominabatur, cùm aliis adhuc ingredientibus in corpore nondum resolutò implicicum erat: quod autem ejusmodi principia, aut simplicioris ordinis medicamenta, magnæ virtutis, efficacique esse queant, meritò deduci poterit ex magnis, beneficiisque operationibus olei vitrioli, spiritus prinx (N.B.) optimi tum ad internos, tum ad externos usus medicamenti, spiritus cornuceivi, nitri, vini, olei, Terebinthinæ, de quo postremum nominatò liquore addam præter varias aliò in Tractatu adscripras ipsi virtutes, dum simplex adhuc remanet, adhiberi sæpe illum posse tanquam menstruum, innixtumque uni, alterive ingredientì suppeditare posse varia, licet non multum composita magnæ tamen virtutis remedia.

Comperi enim eo facile satis dissolvi Camphoram, Mastichem, aliaque gummi, ex quibus balsama fieri possunt; aliaque etiam obtineri poterunt ope ejusdem liquoris, à diversis mineralibus, atque metallicis corporibus: non immorabor hinc notissimo medicamento communi Terebinthinato Balsamo Sulphuris: quanvis hoc remedium adversus morbos pulmonum commendetur, [cautè tamen ob calorem agris cujusdam temperamenti administrari debet] varias insuper alias virtutes habet, cùm ipse, alique quibus illud commendavi, experiri sinus magnæ illud virtutis esse exterius applicatum contra hæmorrhoidales tum dolores, tum tumores, atque (N.B.) quibusdam inducit experimentis ut credam ipsius virtutem non esse multò majorem in pulmònicis, quàm in paralyticis morbis: in quibus usui esse poterit non exterius modò, sed & interius, liberalique dosi in Cephalico, atque interdum etiam vehiculo anti-Scorbutico: sed hinc potius monendus es operæ fortè tuæ pretium futurum experiri, saltem in externis affectionibus, varias tincturas, adeoque balsami quæ ope olei Terebinthinæ à diversis solidis corporibus mineralibus obtineri possunt: ex quibus experimento didici liquorem hunc tincturam ducere posse licet non ejusdem semper coloris: nominabo inter alia Zincum crudum, crudum *antimonium*, crudum etiam cuprum in limaturas redactum, nobilissimum quid Cinnabari Antimoniale: hinc comperi ducere me posse sed non citò optimam tincturam: experiri non licuit quid tam insigne medicamentum posset.

S. VI.

Quod autem ad alia medicamenta spectat quæ non merò analysi, sed synthesi, seu compositione sunt: quamvis putem peritum Chymicum, sæpe minore quàm possit Galenicus incertitudine, qui cruda ingredientia longè magis

magis composita adhibet, prævidere quæ qualitas corporis mixti producti futura sit, vellem ipsos etiam Spagyricos paucioribus, quam reipsa utuntur, uti ingredientibus dum medicamentum componunt: quibus enim argumentis ad usum simplicium medicamentorum homines inviro, eadem Chymicis quoque applicari remediis poterunt: quocirca duo hic te monebo.

Observandum itaque primò præparationes peritè varias compositionibus substitui posse non inutiliter: cum corpus variè, dexterèque præparatum, ram varias, insignèque acquirere qualitates possit, quàm obtineret ejusmodi aliorum corporum additione, cujusmodi vulgaris ei Chytricus probabiliter associaret: ita, ut de argento vivo nihil dicam, antimonium solum, sive absque additione præparatum, ut cum varii generis flores ex magis volatili, verumque vitrum antimonii ex parte magis fixa sunt, sive uni alterive ingredienti associatum perito Spagyrico suppeditare potest varia medicamenta, satque multa ut his officina instrui possit, aut certè quæ Medici scopo respondeant, quoties adhibere vellet Emericum, Catharticum, Diaphoreticum, deobstruens, Diureticum, Bezoardicum, aut Cardiacum medicamentum ut alias jam qualitates præteream, quarum numero antimoniales quædam præparationes nobilitari poterunt: quæ quidem aliæque ejusmodi adhiberi à me hoc in Tractatu exempla patieris: licet enim plerumque, non tamen semper utor voce, *simplex medicamentum*, sensu rigoroso, sed comparativo ut qui compositiones ex pluribus, quàm duobus, aut tribus, aut perpaucis ingredientibus excludat.

Secundò observandum, non coacervatis magno numero ingredientibus, unum; alterumve, aut tertium ad summum manus peritæ ope efficaciora producere remedia posse, quàm sibi fortè persuaderent magnificorum processuum admiratores & quibus hi comparandi non sint: violenter Emetica, catharticaque virtus viri antimonii facti *per se*, potentius, ut alibi doceo, corrigi potest aceto mero destillato, quamplurimis celeberrimis cardiacis *Elixiris*; aliisque elaboratis præparationibus: atque additio interdum minùs apta non tantum correxerit, sed novam etiam, atque inexpectatam medicamento virtutem communicatio: ita licet *sublimatum corrosivum*, mercuriale sit concretum, corrosivum, aded ut paucis illius grans occidi quis possit: huic tamen si addideris, unicuique diligenter æquale vivi argenti pondus, emergit, quando sublimationibus arctius uniuntur, compositum minimè corrosivum quod Chymici *Mercurium dulcem dicunt*. Quo licet minùs cauti Practici, tum Galenici, tum Chymici abusi sæpe fuerint, experientià tamen constat utiliter à peritis adhiberi posse non venereas tantum adversus affectiones, sed alios etiam morbos: hicque loci addam, si sollicitè, idoneoque tempore detur, non corrosivitate tantum exui posse, sed & ejus ope Catharticonum quorundam remedium, peccantiumque humorum acrimoniam obtundi: ut posteriore hujus observationis partem illustrem, docebo hic cui è multis usui esse possit: memini me *Mercurii* dulcis virtutem in pertinaci dysenteria observasse, quæ

præstantis Medici remediis non cesserat: quamvis autem virtus ipsa acres humores mitigandi, putrefactionique resistendi quam huic inesse medicamento probè nôram, meam de eo opinionem faciliè confirmârit, cùm tamen rem nondum sat me expertum crederem, mentem aperui celeberrimo summi exercitûs præfecti Chirurgo, qui ingenuè mihi dixit *Mercurio* dulci tanquam magno *arcano* centenos se aliquot militum in exercitu curâsse: hoc tantum intererat discriminis cùm octo, decem, duodecim, aut quindecim ad summum grana *Mercurii dulcis* unâ cum modico rhabbaro, &c. aliove quopiam, ut bis terve *patiens* inde dejiceret Cathartico, in dosim darem: ipsa enim dissenteria secum avehit medicamentum: ipse verò, tum ut Mercurium regeret, faciliùsque *patiens* degluti- ret, eum Saccharo, ac mucilagine gummi draconis in trochiscos reductum præberet: unus autem trochiscus scrupulum ferè, aut mediâ drachmam *Mercurii dulcis* continebat: miles porro agrotus ipsius præscripto unum integrum sumere debebat, etiam dum exercitus incederet, monebat tantùm, ut caveret ne quid ejusdem in gutture, aut inter dentes hæreret.

3. Sed virtus simplicis hujusce præparationis *Mercurii* longè inferior est, simpliciiori illi, licet multò laboriosiori præparationi auri, eodem modo diversis in regionibus factæ, à duobus peritis admodum Medicis mihi notis. Quamvis enim diu nec immeritò, quodam præjudicio contra *aurea potabilia*, aliasque multùm celebratas auri præparationes præoccupatus fuerim, quarum ple- rasque adhuc non magnifacio, tinctura tamen auri de qua loquor, tam miran- dum in modum in viros quosdam primariæ notæ, mihi & ante morbum, & post recuperatam sanitatem peculiariter notos egit, ut non potuerim priorem non deferere opinionem, meliusque de quibusdam auri præparationibus sen- tire: quod quidem medicamentum quantumvis simplex, magna hujusce me- talli copia meritò non emerit, si insignis illius quantitas, aut absque magno labore fieri potuisset: hæc particulariùs ipdico, quia tum ipsorum artificum benevolentia, tum propriis in id ipsum ex quo menstruum suum consiciunt, operationibus, didici, atque ab ipsis etiam artificibus invitatus, illius præpa- rationem vidi: ut autem dicta hac super re hic applicem, monendus es uni- cum tantùm auro associatum esse ingrediens, quod sursum venit, simplicissi- mumque omnium corporum reputatur, cujus etiam non præparati duas tresve uncias absque ullo incommodo, sumere quis poterit: dosis tamen medicamen- ti hujus ferè insipidi veteri cuidam Aulico violentâ apoplexiâ correpto, cùm alia frustra à peritis Medicis adhibita fuissent remedia, administrata, sex tan- tum, octove guttulas continebat.

Cuiuspiam alii corpulento adinodum, atque ætate provectiori liberalior ad- ministrata dosis est, quia diluta magis erat tinctura, minusque matura: ope- ratio tamen æquè prompta fuit, licet *patientis* aper- vena non fuisset, & quam- vis neutro eo in casu sensibilis ulla alicujus momenti evacuatio contigisset; qui, hoc, ambo remedio sanati sunt, adhuc in vivis degunt: eodem medica-

MEMO

mento servatus est nobilis quidam mihi notus, qui, cum maligna febre per duos supra viginti dies ægrotus jacuisset, à tribusque Medicis condemnatus fuisset, quorum unus summo suo dolore mihi dixerat, eum ad posteram lucem superstitem non futurum, assumptâ tamen liberaliori hujus cincturæ dosi, statim alleviatus est, indeque melius se habere cœpit, valetudineque jam integrâ fruitor. Alias sat mirabiles hujus remedii operationes indicare possem. Sed hæc jam sectio proluxa sat est. Has tamen indicandas tibi censui, tum quia ad rem præsentem multum faciunt, tum quia quodam fortè, ut ipse diu fui, præjudicio præoccupatus es contra remedia facta ex fixo, atque, ut supponitur, immutabili auri metallo.

4. Neque hoc solum remedium est ex nobili hoc corpore confectum, cujus insignes prorsus operationes observârim. Sed quod hæc ad alium Tractatum spectent hic ea non commemorabo: addam itaque præparationem argenti alibi † à me jam pridem traditam, licet levior videatur, compertam esse summæ virtutis, ac sæpe adhiberi à quopiam è præstantissimis hujus gentis Medicis, cui eam commendâram: isque mihi asseruit eam se administrasse primi ordinis patientibus, rectam tamen ne eos offenderet, qui à Chymicis remediis sibi metunt.

Atque ab eo tempore eam primariæ notæ sceminæ hydropæ periculosè laboranti dedi insigni cum successu; duravit jam per aliquot annos ipsius valetudo: favebor tamen tibi ingenuè existimare me Cuprum, ejusque *Magisterium*, Vitriolum cæruleum, quid longè aptius esse argento, aurove etiam ipso, ex quo fiant medicamenta: & si atrem medicam profiteri vellem, nulli potius metallo quàm cupro laborem meum impenderem, impulsus magnis, mirisque non omnibus hic commemorandis remedium ex cupro effectibus, quos videre mihi licuit: quorum quidem conficiendorum modum licet discere nunquam poterim, ea tamen hoc ex metallo, aut vitriolo quo abundat, confecta sciebam. Ex hoc, inquam, metallo prius ab eo omni quod violentius esse posset, liberato: atque ad mitigandos dolores à Chronicis etiam morbis productos, laudant, aliæque præparationes opiata, præscriptæ, laudatæque in Medicorum, Chymicorumque libris, magnòque interdum successu administratæ, mihi ob stuporem quem inducunt, aliæque quædam molesta symptomata videntur multò inferiores sulphuris partibus, ut loqueretur Chymicus, *Veneris* ex arte præparatæ. Cum hæc anodyna sunt longè minus noxia: meminique Empyricum, quem rogatus ab eodem doctui succertam admodum methodum, raro enim succedit, conficiendi sulphuris vitrioli solius, formâ pulveris laterum colorem imitantis, solennes mihi gratias egisse ob famam sibi hoc medicamento acquisitam. Quem cum primum fortè fecisset, dedit, ut adinonitus erat, quatuor, aut quinque ipsius grana, mulieri quæ dormire non poterat, sed quæ per multos menses mania laborârat: quæ vel una dosis non somnium tantum ipsi conciliavit, sed & mentem expurgatâ restituit, ita ut jam rationi

conformia loqueretur. Novi quoque Chymicum à doctis etiam Medicis magni habitum ob *anodynum* quoddam internum, quo inveteratos tum capitis, tum ex venere ossium dolores curabat, hoc autem anodynum, qui veller pretio, vendebat: idem quoque ulcera venerea brevi tempore curabat superasperso iisdem pulvere quopiam indolente: quamvis autem ipsis etiam Medicis, quibus eum commendaram medicamentum suum ostendere noluerit, cum tamen ei quondam de practico ipsi inscio à me beneficio renunciatum esset, in grati animi signum non tantum medicamentum suum tractandum mihi dedit, sed cum ex ponderositate, effectibusque concessim id esse quamdam *Mercurii* cum *Sulphure* & *Venere* fixi præparationem, ingenue confessus est, licet medicamentum non tantum ignitionem, sed & validum, diuturnumque ignem pateretur, priorem conjecturæ meæ partem, quod *corpus mercuriale* foret, fuisse omnino veram, posteriorem, meram prope attigisse: sed addidit veras sulphureas Veneris partes eo, quo ab ipso perliciebantur, modo difficile adde perlici, tantumque temporis requirere, ut vix ipse per orium, [aut per voluptates potius, quibus dedicus erat] aut raro admodum tam molestum opus absolvere posset: atque reipsa comperi variis experimentis constituentes illius metalli partes, longè arctius quam plerique tibi Chymici fingant, sibi invicem esse unitas: periculosos hujus medicamenti effectus discere poteris ex non paucis eandem tecum artem proficientibus, tibi que fortè etiam notis: cumque non nesciam operam te *Helmontio* dare, eò, puto, facilius tibi credes, si revocavero tibi in mentem insignem locum illum ubi hæc habet: *nihil æque victoriosè agi in humidum radicale*, atque primum *ens* *supri*, vel ad *viam longam Sulphure virioli* est *benignius*, ideoque *Sulphur Philosophorum* indiget: sed proposita mihi brevis prohibet, ne diutius huic immorer metallo: de uno tantum alio quopiam pauca subiungam: quia autem ex Chalybe tum Medici, tum Chymici varia consueverunt remedia, quorum quædam levibus tantum operationibus, seu præparationibus fiunt, quod & de Mercurio intelligendum puta: ut patet ex remedio aliàs contra vermes commendato ex crudo Mercurio aqua communi decocto; ob hanc, inquam, rationem plumbum seligam, cujus calx in spiritu aceti dissoluta, superpediat, ut nosti, saccharum Saturni, quod quidem licet tam leviter præparatum magisterium est plures, quam quivis Medicus noxat, aut etiam fortè suspicetur complexam virtutes, præcipue vim mortificandi acutos oculorum humores, quorum quidem acrimoniâ momento interdum temporis obrudit: tum tamen non puto, aquam plantaginis aut rosarum, in qua dissolvitur, eo nimium impregnate: nihil autem adversus adustiones tam efficax unquam vidi, eoque sæpe ipsemet usus sum, in aqua plantaginis, aut communi dissoluto: non tamen tutum æque atque efficax existimo adversus internos quosdam vicerum morbos, qui ab acidis humoribus oriuntur, nisi eandem admodum admisceretur: sed quod ad usum externum spectat necesse non est ut tam gnaro Medico dicam (*N. B.*) quam ad sedandos ex ulceribus

ulceribus vasis dolores valeat. Quare unum tantum quidpiam quod forte alibi obviam tibi nunquam fuit, hic indicabo, nosse scilicet me proventum jam ætate, peritumque hominem, qui præter assiduam praxin magni Nofoconii Chirurgus erat, qui cum magnam in me ob præstitum aliquod officium benevolentiam proficeretur, declaravit ad sistendum sanguinem ac præimpedienda amputationum symptomata nullum se efficacius comperisse remedium saccharo Saturni in aquâ plantaginis, aut si opus sit, in aquâ communi dissoluto: ubi enim dissolvisset unciam prioris in librâ ferè posterioris: cum membrum amputatum est, statim applicabat stupas hoc liquore madefactas, tam calido, quàm pari patiens posset, eumque eas sollicitè superalligasset, sat diu, ut vim suam exerceret medicamentum, relinquebat: in hujus rei confirmationem, mirum quoddam experimentum meum narrarem de saturnini liquoris efficacia ad resistendum putrefactioni in corporibus animalium, si narratio hæc paucis absolvi posset.

5. Necesse fortè non est ut tibi hic dicam commemorare me posse varias alia experimenta tam de Saturno, quàm de aliis metallicis superiùs nominatis sumpra: sed instituti mei scopo de iis tantum præparationibus agere debeo, quarum subjectum metallicum ex perpauca tantum aliis compositum sit: magis autem remoras à simplicitate præparationes variis in aliis Tractatibus meis à quibus nihil huc transferre debeo, reperies: quod superiùs de metallis dictum est, ad mineralia quoque extendi poterit: quoties enim componi ea necesse est, sat sæpe fuerit eadem allociare uni, alterive, aut certè paucissimis *auxiliaribus ingredientibus*, si ita loqui liceat: patet hoc in variis utilibus antimonii præparationibus vulgò notis: quibus plurimæ ex communi sulphure levi additione factæ addi poterunt hujus generis, quia plures alibi trado, unam tantum quam licet jam à multis annis in historia colorum descripserim, hæc rursus commemorabo, illic enim non medicas ipsius virtutes examino, magnas licet adversus asthmata, & tussis, quibus morbis, laborantibus semper profuisse comperi: nec minore successu adhibita à Medicis est, qui rogatu meo rem explorare voluerunt quidam præsertim cui licet optimorum remedium copia foret, supplementum hujus spirituosæ, penetrantique tincturæ sæpe à me petiit, cujus ope asthmaticas se affectiones non paucas curasse asserit, atque unam præsertim Chronicam, ut quæ per multos annos duraverat: sed cum nondum sat sæpe mihi remedium hoc expetiri licuerit, ulterius à te petito adeo administraturo, rei fieri experimentum omnino velim.

Quocirca ne fortè libri mox commemorati tibi copia desit, hic subjungam, *medicamentum* nostrum ex floribus sulphuris confectum esse æquali optime pulveratis, salis armoniaci ponderi portionique, vivæ calcis leonini in pollinem redactæ æquale pondus paulò superanti exactè commixtis: hæc enim tria *ingredientia* diligenter, celeriterque commixta, inpositaque *retoria* in *furno arena* statuendæ, atque capaci *recipiente* eidem bene *lurato* instructæ,

instructæ, hæc, inquam, *ingredientia*, his in vasis debite distillata rubrum, fumigantemque spiritum dabunt, tum odore, tum mechanicis etiam operationibus, admodum sulphureum: atque hæc in distillatione partes sulphureæ interdum supereffluxere cum eâ salinarum copiâ, ut magna pars ejus quod in recipiens transit, in sal sulphureum volatile pullulârit: meminique cùm curiositatis gratiâ, fluidæ tincturæ, debitam ardentis spiritûs ut vini, optime dephlegmari portionem addidissim, mixturam obrinere me sive in forma coaguli, sive secus, quæ mira mihi subministravit phænomena hîc non commemoranda: lenem porro ignem adhibui, ut *compositio* fieret, quæ distinctionis gratiâ *sal trium regnorum* dici potest, ut quæ urinosas particulas, vinosas, atque fortè etiam fuliginosas, atque sulphureas complexa sit, quantum primæ ad regnum animale, secundæ ad vegetabile, tertiæ ad minerale, ut Chymici loquuntur, spectant; sed quæ virtus medica huic sali, quo statim argentum coloratur, spirituique qui ipsum comitari poterit, insit, expectari mihi non licuit: hæc tamen de re obiter locutus sum, ut si oportet pretium futurum putes, rei veritatem explores: sed hîc te hoc ad opus pluribus non hortabor quòd animadvertam *particularibus* circa simplices auri, aliorumque metallorum præparationes superius commemoratis sectionem hanc ad nimiam molem esse adauctam: id ægrè tamen ut puto, non feres, quod tibi sagacissimo homini colligere hinc quædam non inutilia liceat præterquam quod quoddam industriæ incitamentum est ipsa rei, quæ magnarum rerum basis, esse queat, cognitio.

§. VII.

1. **S** At prævideo contra frequentem simplicium medicamentorum usum obijci posse, contingere sæpe ut morbus, aut morbifica materia à duarum pluriumve causarum concursu oriatur: quæ cùm varia producant Symptomata, fieri non poterit, ut simplex hæc omnia medicamentum vincat. Hanc fateor gravem esse objectionem, magnique momenti, nec inficias ibo fieri interdum posse ut necesse sit Medicum adhibere remedia ex pluribus quam duobus medicamentis composita: quod salvo proposito mihi scopo admittere possum, cùm supra declarârim non me velle solis te simplicibus astringere remediis, ne sensû quidem hujus vocis superius commemorato, sed ea te tantùm cùm sufficiunt, adhibere, atque ubi non sufficiunt, quàm minime compositis, quantum licet, uti.

2. His præmissis duo, triâve proponam quibus propositæ mox objectionis vis imminui possit: ac primò quidem licet libens fatear morbos quosdam esse, à diversis causis ortos, remedioque superari morbum posse, cùm ab unâ illarum causarum oritur, non posse autem cùm ab aliâ progignitur, fieri
tamen

tamen poterit ut morbus interdum uno simplici remedio curetur, interdum alio quopiam : quin etiam quidni contingat ut idem simplex remedium morbum curet, à quacunque duarum causarum ortum habuerit : hoc alio in Tractu efficere conatus sum : quod vero non abissimile videbitur, si animadvertere voluerimus quid pulvis Jesuiticus adversus diversas febres, *tertianas, quarternas*, &c. possit, & quantum polleant *pacantia medicamenta*, quæ suam præterque opio virtutem debent, quamvis merè, sine opio mineralia quædam eorum sint, ad mitigandos dolores ab humoribus aliisque causis valde discrepantibus ortos : atque ni fallor sæpe contigerit ut, quicquid morbificæ materiæ portionem primum produxerit, producta illa primum materia continuati morbi causa existat, vi peculiaris cujusdam texturæ noxiæ constitutionis, quam si generosum medicamentum tollere possit, paulatim morbus ipse desinet.

3. Varia interdum Symptomata quæ aded in speciem diversa videntur, ortum habent à primariâ morbi causâ : quare si hanc, medicamentum quantumvis simplex, tollere possit, varia illa Symptomata paulatim evanescent : ita cum Mercurius, licet fortè crudus tantum, perire applicatur, excitatque salivationem benignam, venerea Symptomata quamplurima quæ diversa valde, topicaque remedia requirere videbantur, uno eodemque remedio tolluntur : aded ut non tetra tantum ulcera, sed nodi etiam quos validissimis dissipari emplastris non posse quis crederet, feliciter interdum curantur ope Mercurii bene præparati, interiusque assumpti : ut propriâ docti experientiâ non pauci præstantes Medici mihi asseruerunt : quamvis autem varia sæpe, atque diversa admodum Symptomata puerorum illum morbum, quem in Angliâ Rachitidem, *Rickets*, dicimus, comitentur, quo plures Londini singulis septimanis extinguuntur, medicamentum tamen illud quod alibi *ens primum veneris* voco factum ex validè calcinato, benèque dulcorato *Virrioli Danistani Colcothare*, elevatumque ope salis armoniaci in subrubeum sublimatum, tam felici hætenus successu Deo propitio administratum est, ut & ipse, fororque mea, cui illud communicaveram, atque alii, qui meo hortatu illud sumptèrunt, aliivè dederunt, ducentos & plures hujus unius remedii ope, absque topicâ ullâ ferè applicatione sanitati restituerimus.

4. Sed hac præcipue observatione prævisam hanc objectionem diluere statueram : ipsa enim natura Pharmacopœum agit, ipsiusque compositiones, si propius inspicatur, superfluous reddit, quia licet hanc vel illam plantam, aut minerale, tanquam integrum, simplexque corpus intueri possimus, multum tamen aberrabimus, si homogeneum credamus : hoc in variis plantis, organis instructis patet, in citreis enim, exempli gratiâ, succulenta pars acida est, & refrigerans, cortex flavescens insignis amaroris, & caliditatis particeps est : ita limoniorum flava corticis pars, seminâque diversis gaudent qualitatibus, medicisque virtutibus : atque vegetabilium etiam substantiarum ad sensum homogenearum partes sæpe fuerint non operatione tantum discrepantes, sed

& contrariæ: ut patet in thabarbaro cui partes insunt, & astringentēs, & catharticæ, atque idem etiam in mineralibus videre est: nitida, exempli gratiâ, plumbi minera, licet corpus ad sensum uniforme, partibus admodum dissimilaribus constet, & sulphurea, atque alia etiam fortè recrementa, præter plumbum malleabile, quod & ipsum compositum corpus est, subministrat. Ita patet quamvis fulgentes Marcasitæ homogeneæ videantur, expositæ tamen aliquandiu aut competente tempore humido aeri, efflorescentiam præ se ferunt omnino vitriolatam, adeoque complexam, sal acidum, duo sulphuris genera, substantiam terrestrem, atque unicum saltem metallum, [sæpe enim & Cuprum, & ferrum, licet alterum prædominetur, continet] quæ postremum nominatæ substantiæ corpora simplicia non sunt.

5. Si jam Chymicam mixtorum analysim genuinam admittamus, comperimus ea ferè omnia quæ ad vegetabile regnum, aut animale spectant, plurimæque ad minerale spectantia, quantumvis uniformia oculo appareant diversas sæpe, atque contrarias etiam continere substantias.

Ita cornucervi licet sicca videatur, homogeneæque substantia, distillatum subministrat sal volatile, spiritum urinosum, liquorem aquosum, aut phlegma, oleum superinnans, & subsidens, candidam, porosamque terram, terramque damnatam, ac fortè quidpiam, sed modicum salis fixi. Ita in vegetabili quoque regno, *Tartarum*, exempli gratiâ, absque additamento suppeditare poterit, ut experienciâ doctus sum, sal volatile non absimile sali urinæ, phlegma, acidum spiritum, aliūque spiritum, quem alibi *Adiaphorum* dixi, duo fetida olea, quorum alterum in aquâ subsidet, alterum eidem innabit, terram damnatam, sed fixum lixiviatum, in quod commemoratus mox acidus spiritus tantâ agit hostilitate, ut cum simul committuntur, magno strepitu, bullulisque tumultuentur, ipsoque demum conflictu, se invicem debilitent, mortificentque: atque in minerali etiam regno, ut præteream quæ de compositione *virrioli* dicebam, opinionemque variorum præstantium Medicorum, qui *Martem*, ut chalybem, & ferrum vocant, existimant subministrare partes, quarum aliæ astringant, aliæ aperiant, purgentque, ut hæc, inquam, sileam, quia nondum mihi constat contrarias eas qualitates non oriri à discrepantibus ignis gradibus, aliisque præparationum metallorum appendicibus; nativa cinnabaris distillatione suppeditat, præter fluidum Mercurium, substantiam siccam, è quâ sulphur obtinui, quo argentum statim deauraretur, terrestremque substantiam, cujus naturam examinare mihi non licuit. Discrepantes hæc nativæ cinnabaris partes libenter detego, quod hoc minerale plurimi faciam: quamvis autem in Angliam perlatum sit, vixque interis instar medicamenti adhibeatur, varios tamen exteros novi Medicos, qui illud præcipuis suis arcanis annumerant, eoque utuntur, idque magni instar arcani sibi reservant.

Sed illud facile non adhibeo donec bene præparatum fuerit, commoliturque super porphyritam, aliūve idoneum lapidem, ut pictores pigmenta sua conficiunt, atque à quibusdam salibus ipsi imperceptibiliter adhaerentibus, atque

que aliquando noxiis liberum fuerit : quod fiet , ſi ſuper illud bullienti aquâ diligenter lotum benèque exſiccatum, reperitis vicibus, & ſibi invicem ſuccedentibus vinofos ſpiritus bene deplegmatoſ accenderis : doſis, ſi diu continuandum remedium hoc ſit, tria , quatuorve grana aut quinque complecti poterit, cum raro tantùm, atque urgente neceſſitate adminiſtratur, à ſex, ſeptena, decem, ad duodecim etiam grana augeri doſis poterit.

§ VIII.

1. **H**Atenus in priori diſſertatione dicta , quibus manifeſtum fiat corpus *ſimplex*, ſive organicum, ſive ſecus, nihil prohibente ejuſdem integritate, aut apparente homogeneitate, continere , aut ſuppeditare partes valde diſſimilares , conducere poterunt ut concipiamus , cum idem reipſa corpus compoſitum ſit, ſubminiſtrare quoque poſſe partes diverſas ſat, ut iis omnibus reſpondere queant, quæ Medici inveniunt ut quid neceſſarium, aut ſaltem quid admodum utile ad curationem hujus, illiuſve morbi : ut in Diarrhœis, alvique profluviis, cum peccans materia primùm evacuanda ſit, aſtringentiâque tum adminiſtranda, ut immoderata impediatur evacuatio, in qua morbus poſitus eſt, utrique malo Rhabarbaro obviam itur, earthartica ſcilicet, & terreſtri magis ejuſdem parte : iſta enim evacuatur materia peccans , hac tuò jam evacuato priùs vicioſo humore aſtringitur corpus.

2. Sæpe obſervavi hederam terreſtrem, quantumvis *ſimplex* appareat, ea præſtare, quorum varietas ſat innuat partes eam diverſæ admodum naturæ conſtinere, ut quæ, aperiant, contemperent, & demulceant : quare diverſis par morbis eſſe poterit maximè pulmonum, & Thoracis : ac reipſa tum ſirupo ejuſdem, tum foliorum infuſione, nec non remediis conſiſtenti forma ex eadẽ factis factum eſt, ut multi mihi non infimæ notæ gratias ob recuperatam ſanitatẽ egerint , qui doctorum etiam Medicorum præſcriptis fruſtra priùs uſi fuerant : meminiffe noſſe me virum quendam ingenioſum inſignis cujuſdam *manuſactura* magiſtrum, qua multùm lucrabatur, quamdiu valetudine integrâ famulî gaudebant : ægrè autem iſ ferebat violentis *colicis* adedò obnoxioſ eos eſſe, quod copioſis aceti vaporibus, in ipſius opere adhibiti ipſe tribuebat , ut ſingulis ſeptimanis ſeriales quorſdam dies ad ſanitatẽ vel conſervandam, vel recuperandam concedere cogeretur. Huic tandem malo, ut ipſe mihi conſellus eſt, obviam ivit, validâ infuſione foliorum hederæ terreſtris non in puro, aut dephlegmato vini ſpiritu, ſed in aquâ viſcaria *Nancienſi*, *Nanus Brandy*, irrectificatâ : hæc cincturâ operarii frequenter utebantur.

Addere hæc poſſem varios uſus tum externos, tum internos vilis huiuſce in ſpeciem plantæ cum Anglicanam nullam norim herbam, quam ob manifeſtas ejuſdem virtutes, aliorum, propriâque experienciâ notas pluſis faciam : atque

ita omnino cenſeo efficaciam hujus, aliorumque ſimplicium corporum, quæ prolixitatis vitandæ ſtudio prætermitto, comperiendam eſſe hominum opinione, & majorem, & magis variam, ſi Medici aut ſimplicia medicamenta læpius præſcriberent, aut per paucis admodum ingredientibus ea aſſociarent, atque adeo exiguum *ingredientium* numerum majore magis appropriatorum, operantiumque quantitate compenſarent : eorumque uſum competenti tempore continuarent.

Quamvis non quovis efficaci *ſimplici*, aut leviter composito remedio, apud demonſtrari poſſint ea, quæ hic probare conor, ejuſmodi tamen ſubjungam exempla, quæ præſens negotium noſtrum exigat.

Aquæ Minerales, ut *Acidula*, *Germanæ Spadeneſes*, aut *Tunbrigitanæ Anglicanæ*, &c. ut *Thermæ*, quales ſunt *Bathenſes*, &c. licet naturalia tantum medicamenta ſint : earum tamen quædam exterius tantum applicatæ, nativâ ſua ſimplicitate varios, ut omnes norunt, ſepenumero curant morbos, plurimæque proinde ſymptomata, unde variæ nalcuntur indicationes, tollunt : probabile quoque adhuc non parum fiet idem ſimplex diverſis domandis morbis par eſſe poſſe, ſi animadvertamus, variis venenis produci ſymptomata, non tantum terriſtica, ſed & varia admodum : quæ tamen omnia ſimplex ſpecificum antidotum, herba puta quædam, aut quodpiam compoſitionis experti medicamentum, ſuſtulerit : ſemel tantum experiri mihi licuit, quod hic paucis indicabo : capiti ingentis ſerpentis Africani lapis exemptus eſt, quem ejuſdem poſſeſſori celeberrimæ Societatis Indicæ Anglicanæ Rectori plurimum valere adverſus venenatos animalium morſus quidam aſſirmârent : experimentum itaque ipſum paucis ſic habet : Juniorem ſelem à feroci, multumque irritatâ viperâ morderi curavi, morſu autem acta adeo eſt in rabiem felis, ut vindictam ſpirans ſerpentis admordere caput conata ſit, quod ore complexa eſt, nec dimiſit, donec qui aderant, exſtirmarent ſerpentem ejus linguam ſaltem, ruruſ ſe momordiſſe : paulo poſt inſiſtente venenatum hoc vulnus, felis caput multum intumuit, & quamvis præ debilitate pedibus inſiſtere nequiret, ſed humi jaceret : proſtrata, furere tamen videbatur, ſpumabat enim ore, commovebaturque, cujuſcunque objecti ſibi metu : quin etiam magno ſpectantium ſtupore, è cruribus ſuis illud quod prope os erat, rabie percita momordit : quamvis autem remedium omne hoc in ſtatu inutile videretur, nulluſque accedere ad eam aunderet : Modicum tamen pulverati lapidis in paucis aquæ limpide cochlearibus, ope colli vitreæ retortæ fundibulum ſupplentis paulatim in felis os immiſimus, quod cum apertum foret, licet ſuccutere pulverem conaretur, aliquam tamen ejus partem intromiſſam eſſe judicavimus : atque reiſâ non ſine antantium ſtupore intra unam, alterâmv horam in pedes ſeſe ruruſ arrexit, demefcente multum capite adeo ut datum medicamentum minime reſpueret. Salvæque haud dubiè felis evaſiſſet, niſi, me unâ cum hoſpitibus nonnullis prandente turbulentiores quidam graviore eam quam viperâ, vulnere confeciſſent.

Obſervârunt

Observârunt Medici, aliique varia pestis symptomata, quorum quodvis seorsum spectatum peculiaris quidam haberi morbus non immerito poterit: atque hæc ipsa symptomatum varietas non in peste tantum observatur, quæ temporibus distitis, aut in regionibus à se invicem remotis contingit, sed in eadem etiam pestilentia eandem per regionem sæviens: fieri tamen potest ut vel simplex remedium adversus multiformem adeò, violentumque morbum plurimum polleat: cujus quidem rei, ut quod ab aliis authoribus traditum est, prætermittam, unum ex ipso Galeno exemplum proponam, qui fusc de *terra Samia* dissertens, *Beli armeni* virtutes describit, quem ex modo, quo ejus mentionem facit, parum, aut non omnino Medicis ante ipsius tempora notum fuisse conjicio: terram hanc, corpus in speciem adeò simplex, atque uniforme, non tantum varios adversus morbos, puta, sanguinis sputum, dysenterias, catarrhos, distillationis capitis in pulmones, asthma inde natum, ulceraque etiam pulmonum commendat; sed addit, quod ad rem præsentem plurimum facit, hæc, quæ hic subjunguntur. † *In magnâ hac peste, de qua prius locutus fuerat, cujus eadem facies fuit, atque ejus qua Thucydidis memoriâ grassabatur, quosque hoc medicamen bibere, curati sunt; modus administrandi, qui interdum usui forte esse poterit, hic erat.*

Bibitur, inquit, ex vino albo consistentia tenui, modicè diluto, si aut planè febris careat, aut leviter ea teneatur: sin admodum febriat, admodum aqueo.

Tanta autem simplicis hujusce adversus terribilem istam plagam virtus fuit, ut hæc, author hic adjiciat: *quibus non profuit, omnes pereire, scilicet cum nec alio quovis medicamine juvarentur: unde colligitur, inquit, quod eis duntaxat non fuerit auxilio qui planè erant incurabiles.*

3. Pauci omnino morbi tam varios induunt, ut ita loquar, vultus, majoremque symptomatum præ se varietatem præferunt, quam *affectio hysterica* cujus paroxysmi hîc in Angliâ vulgò à matrice denominantur: sæpe tamen dispulsi- mus intra quartam horæ partem, hystericos paroxysmos, aut symptomata, atque ejusmodi interdum quibus æger deliquium passus, vitæ quasi expertus jaceret, meto odore *spiritus cornucervi bene relictis*, aut spiritus salis armoniaci, quem peculiari methodo hos præsertim in usum fortem admodum feceram. Atque nisi ex periculissimo † *Monarde Medico pro-Regis Indiarum Hispaniarum commemorasset alio in Tractatu gemmam antiscorbuticam, aliud hîc eundem adversus morbum adderem remedium, propius adhuc, propositum mihi scopum spectans, cum simplex tantum sit lapis exterius applicatus.*

4. Sed quia non censeo immorandum hîc authoritari jam commemoratæ, licet tum ejusdem, tum rei, quam confirmat, credibiliras multum illustretur ex hæctenus dictis de virtutibus lapidum exterius applicatorum in posteriori de *Specificis*, dissertationis parte.

† Galen. de Simpl. Med. facul. l. 9. titul. de terra Samia. † Vide Nicol. Monard. Simpl. Med. Hist. c. 36. p. m. 339.

Hanc, inquam, ob causam, duo alia observari digna superaddam exempla efficaciz siccorum etiam, atque solidorum corporum licet exterius tantum applicatorum adversus morbos, quos varia nec consueva comitabantur symptomata, quorum quantumvis innocuas vyperas nostras anglicanas homines sentiant, varia tum in hominibus, tum in brutis exempla novi: atque etiam, qui ab India orientali veniunt, magnam concretionum quarundam lapidearum, quæ dicuntur reperti in capitibus quorundam serpentum circa Goam, aliasque Regiones orientales, virtutem extollunt: quamvis enim plerique Medici, rejiciant, aut dubitent de potestate iis lapidibus ascripta, potestate, inquam, curandi morsus viperarum; & quamvis eorum hac in re hæsitacionem minime mirer, quoddam reipsa lapidum plurimi ex India allati genuini non sint, itaque qui re verà serpentibus eximuntur, ob rationem hinc non conimemorandam nihil prosunt, cujusmodi fortè ii erant, quibus doctus, curiosusque, *Redy*, sua experimenta fecit: alia tamen sunt, quorum virtutes negari nequeunt: ne enim vulgaribus traditionibus plerumque fallacibus fides habeatur, quidam è præcipuis Collegii Londinensis Doctoribus mihi asseruit, se hujuscemodi cuspian lapidis ope periculosum quemdam morbum præter opinionem curasse: rem mihi ipse ut gesta est, pluribus narravit: atque quispiam è præcipuis Anglicanis nostris Chirurgis alium se dixit eodem remedio curasse: merà scilicet lapidis parti, quam vipera momorderat, applicatione ab utroque curatus uterque morbus est: atque vir quidam magnæ notæ insigni Societati Mercatorum mercaturam in Indiis ubi diu vixerat orientalibus exercenti præfectus, mihi asseruit curasse se ope hujus lapidis multos à venenatis animalibus lasso: sed hujus rei veritati longè majus adhuc pondus addit peregrinatus quidam per meridionales Indiarum orientalium plagas: quamvis autem hic utpote à celebri Cartesiano quopiam Philosopho instructus vulgaribus Regionum quas peragrabar, & in quibus vivebat traditionibus vix fidem haberet, cum tamen vel idcirco à me rogaretur, quid turdè de lapidibus hisce, sentire deberem, seridè mihi respondit curasse se sexaginta, & plures morsos, aut stimulos à venenosis quibusdam animalibus: & plerosque quidem merà exteriori lapidis hujusce applicatione: quem quoddam præpollentem, experiretur, servabat secum, ut ubi res exigeret, ad manum esset: quodque sumpsi ipse experimentum cum genuino ejuscemodi lapide, è corporibus brutorum, fecit omnino ut huic rei fidem non negem. Sed quia hunc lapidem animal subministrat, alterius ad regnum *minerale* propriè spectantis addam virtutes adversus morbum cujus symptomata licet non tam varia, interdum periculosa sunt, ac nimium sæpe lethifera.

Ut ostendam igitur curiæ nihil prohibente *simplex* remedium exterius applicatum, summæ posse esse virtutis, monendus es licet, *solidum*, de quo loquar, *hamatis* haberetur, *Agatem* ramen ex colore, aliisque conspiciuis qualitatibus à me potius reputatum. Exiguæ tantum nuci moschatae molem æquabat: vinculoque per medium perforatum trajecto parti agræ alligari

alligari poterat : lapis hic cum eum vidi , ob raras ejusdem virtutes hereditario quasi jure , multorum in manus pervenerat : diuque proinde eadem in familia fuerat asservatus . Sed ut quæ de eo divulgabantur , præteream , ob causam mox subjungendam ejus hic mentionem facio . Generosus quidam ingenio valens , virque doctus , & cum eum ego vidi , floridæ ætatis , temperamenti que summe si quis alius unquam sanguinei , hæmorrhagis è naso identidem obnoxius erat , sed adeò profusus cohibituque difficilibus , ut ipsius Medicus suæ aliquin licet artis peritus mihi sæpe asseruerit metuere se ne commissus suæ curæ æger hoc vivis morbo exiperetur . Variis itaque nullo successu probatis remediis , lapidem tandem hunc provectior ætate quædam ejusdem consanguinea , ei commodavit , ut collo appenderet , sed ita , ut eum tangeret . Quod cum in paroxysmis faceret : hæmorrhagia cohibebatur , & si diu lapidem gestaret , toto eo tempore sanus perseverabat , ut & ipsius Medicus vir doctus , & ipsemet mihi asseruerunt : quia nonnihil hunc effectum imaginatrici facultati ascribere videbar , *paiens* ipse mihi retulit , paulò ante quampiam è primariis urbis fæminis , quam mihi nominavit , hæmorrhagiam subito violentam adeò passam esse , ut durante etiam animi deliquio , in quod incidit , perseveraret , donec lapis collo appensus sanguinem stitisset , & licet appensum collo lapidem ipsa nesciret . Hoc autem non tam mirandum mihi videtur quàm id , quod Generosus ille , de *virtute* illius *gemmæ* , ut meritò vocabat , asseruit : cum sanguinei admodum , ut superius indicavi temperamenti foret , unde copiosus brevi sanguis generaretur , aperiendam ipsi quandoque venam Medicus censuit : quæ cum aperienda foret , lapidem aliquando seponere cogebatur , quamdiu enim gestabat , sanguis non effluebat , solitâ saltem , & desideratâ celeritate .

Sed quantum jam præscriptos tractatulo huic limites prætergressus sum ! quinque tantum præcipua remedium simplicium commoda , quibus compositis nimium præferenda videntur , oculis tuis obijcienda susceperam , paucisque tantum exponere statueram , quibus maxime de causis *simplicia* compositis anteponam . Sed quia ne prolixior æquo Tractatus hic foret , ex iis eum tantum conflare volebam , quæ aliis è Tractatibus meis transferre melius poteram , & licet idcirco parabilia non pauca , aliæque parum composita , aut elaborata medicamenta prætermiserim , sat jam animadverto , novis semper ac novis memoriæ inter scribendum obijcientibus sese rebus , plures me præscriptiones , historiasque Medicas quàm prius statueram , conscripsisse . At cum argumentum hoc perutile existimem , futurumque ut quæ hic tradidi , prodesse queant : veniam , spero , dabis si quid hoc in Tractatu peccatim publicæ potius utilitatis , quàm methodi , ordinisque studio : sed quæcunque prolixitatis meæ causa fuerit , ipsa jam operis moles monet , ut vela contraham , finemque tandem huic Tractatui imponam : supersedebo itaque declarare quo maxime sensu tractatâ hic medicamenta laudatim : si enim revoces in memoriâ * quæ
alibi

† Vide Append. 1. sect. 2. p. utilitar. Experiment. Philosoph. p. 389. 390. edit. 2.

alibi in tractatu à te perlecto scripsi de limitibus quos præscribi velim elogiis quibusdam, remediis à me datis, & quâ administrari eadem cautelâ cupiam, facile intellexeris cum ea tantum ut idonea in perita manu instrumenta intuear, nolle me ut eorum quodvis & medicamenti simul, & Medici vices suppleat : quæ enim proposui hoc in Tractatu remedia non ea in medium adduxi tanquam certa, atque indubitata *Specificæ*, sed velut exempla tantum, quibus manifestum fiat existere quædam in sublunari hoc orbe corpora, quæ licet simplicia, summè tamen salubria esse queant : sed de his hæcenus.

Tibi interim addictus

ROBERTUS BOYLE.

FINIS.